朱 止 泉 先 生 朱 子 聖 學 考 略

朱止泉先生朱子聖學考略卷十 答林正卿云季通書來亦謂正卿甚進不知乃有異論 裏不甚得力又不察學者才識之高下而概欲其無所 正旦朱子喜於藏書閣下東楹云周敬王四十 此正是渠病處蓋不先其在己而欲廣求於外所以 巳朱子六十八歲 子卒至宋慶元三年丁 長白高斌東軒訂定 朱子訔此有文王既沒文不在兹乎之意非深透朱子 乙學不能信也 THE RESERVED ON THE - 巳一千六百七十六年萬人傑 僕封張師載西 年壬戌 向 如

其所 知 求免是不受君命也不受君命! 彩緊麻鞋赴 旬呈亦不必求免如陳 易大概得之但時事人位等字說得太早今只可且作 미 所 法是第二 發用之占耳若便 看得通 里 一旦之 也叫渠謫居 得 郇 他 旬呈朝廷行遺罪 透了到推說處方說得平 叫 、坐在裏面 先 事也 亦 多馳鶩於外吾 著箇不易乎世不 卻能自適亦甚不易歸 如乾之初九日 **翁曾作諫官及被謫猶著** 便死煞了非所謂 不受天命也而可乎所 (正欲以) 只是陽氣潛藏之 八當識 成 居無事處時應事 此困辱之若 平名隱 期正不 其好處 而 須問 象 未 而

校开的联系号格里公子 若合須過嶺此亦何可避也 答林德久云熹屏居如昨朋舊多勸謝客省事者亦嘗試 義尋箇明白處去自然有味不在極力苦思轉求轉遠 雜說數條必是又有李蕭遠所定也 先德所抄龜山語以他書考之不妄然卻不及向來所記 似難勉强又揀別取舍卻恐反生怨怒不岩坦懷待之 「會得卦爻本意卻不妨當此時居此位作此人也 一之功甚善但讀書須更量力少看而熟復之只依文 子善書云所論為學之意善矣然專務靜坐又 **| 景建云前此辱書蔡季通行曾附數字奉報矣所論** へ恋堕

聞 覺便是工 戒謹恐懼之力則自然主宰分明義理昭著矣然著箇戒 與時消息意思非第不以患難動心也當此之時 按 此其禍乃更甚於季通使人不能忘懷 恐懼四字已是壓得重了要之只是略綽提撕令自 那 丁巳朱子處患難只如平常其德性堅定萬理 通鑑 書窮理立教尤以向裏為主量力講求不可馳騖 邊去 一夫也純仁可念此間方為季通遠謫作惡忽 丙辰十二月窟蔡元定於道州則此四書自 只是虛著此心隨動隨靜無時無處不致其 專指本體與格物徇外者曷觀於此 明徹

過朱之意朱子日某又不曾上書自辨又不曾作詩謗訕 命無以爲君子今人開口亦解 只是與朋友講習古書說這道理更不教做卻做何事 論語首章言人不知而不慍不亦君子乎斷章言不知 小利害便生趨避計較之心古人刀鋸在前鼎鑊在後 子自身与各人家上 悟其非耶 如無物者蓋緣只見得道道理都不見那刀鋸鼎鑊 朋友微諷云先生有天生德於予底意思卻無微 難曉底話如今朋友都信不及覺見此道日孤令人 死生有命如合在水裏死須是溺殺此猶不是深 飲一 啄自有定分及遇 因 服

思如 面有 意思不佳 朱子曰讀皆須是要身心都入在這 クニ、里とオローター 走作則理自然在其中今人卻一邊去看文字 或問正心修身朱子日今人多是不能去。 量外事只是枉費了工 心多為物欲所陷了惟聖人能提出此心使之光明外 以上萬人傑錄 宁卻去看 何卻說箇仁在其中蓋自家能常常存得此心莫教 何事方見得 段道理出如博學而篤志切問而 |夫不如放下了文字待打疊教意 段裏面更不問 致 知處著力 邊去思

難 ころ ロミナンラスコライスコー 問意誠朱子日表裏如一 底物欲皆不足以動我內中發出底又不陷了 動皆然 處非是此心要馳騖但把捉他不住 **今人當獨處時此心非是不誠只是不奈何他今人在** 說時不在非禮勿視要和根株取不是只禁你不看 日默而識之者不言而此物常在也今人但說著時 「心為主心把得定人欲自然沒安頓處 會祖道錄 書病於草率器之云如今將先生數書 便是但所以要得表裏如 3 聽 卻

環看去 少間 會得這一段了方可讀第二段少閒漸漸節次看· 冥 万謂之審恁地竭盡心力只見得兩三分了便草草揭 迎 透 **通韓退之所謂沉潛乎訓義反覆** 箇 只是傷 理會得這 老蘇作文章本自沒要緊事然他大段 只五年間 那許多鄙俗底言語換 日都讀得了方 The state of the s 突無理會枉著日 一件了方可讀第二 可以證得經子諸書 5 循 了箇 再看 月依舊似不曾讀 一件讀這 加今讀 |子句| 心胸說這許多言 迤 **運去看史傳無** 讀須有沉潛 用功方會 一毫之不盡 段須是理 只如韓 解

子升問周禮 意哉 義理而安固不搖只是義理而洋溢 地之志與事如此廣大如此精實所以吾之心即天 物而本體 **都是天地之志與事而吾之知之行之者即是繼述天** 之心只是 人是天此朱子是時之學之 自家性分之內覺得生死消息君臣父子動靜食色 如何看朱子曰也且循注疏看去第 不虛哉孰怎朱子從格物 **简道理天地在此人物在此心目間** 關行覺得千人萬人只是這)大成也孰謂朱子泛言 不息即心是性 入而不於主靜 1 箇 四德都

諸侯行禮旣畢出乃右肉袒於廟門之東王日伯父 馬掌封疆之**政最是大** 是天官是正人主之身兼統百官地官主教民之事大 衣服之宵皆屬之此是治 具矣春夏秋冬之官各有所掌如太史等官屬之宗 之是也所以屬之司寇如此等處皆 官屬相錯綜處皆謂聖人有使之相防察之意這便 聖人是簡 **国** 7 事用之祭祀之故職方氏等屬之司馬蓋 公平底意 昳 老 行 思如陳君舉說天官之職 出自1 人屬之司寇難曉蓋儀禮 人主之身此說自是到得 屏此所謂 一般諸侯 公則天下 無 覲 膳 間

口] 入私 天下之民無不被其澤 其所而後 理只如今時法令其間頗有不曾行者木之因說舊時 **日是恁底** 之多與子由 おは今日であり 意 間 向去採摭故事零碎凑合說出來也無甚盆孟 也 已不如是不足以謂之裁成輔相參贊 或謂周公作此詩有未及盡行之者恐亦有 須要識公平意思因說如今學問不考古 綱要得如此看其間節 所疑三處之類只得且缺之 自任日當今之世舍我其誰 又推而至於鳥獸草木無 可曉處 所謂其詳 如 地

數世之 如今若要將 只認諸侯之禮吾未之學嘗聞其略也要之後世若 如此行也未必能只是後世太無制度若有聖賢為之就 (哇淫鄙) 說自是當時卻是他各自推戴為主聖人從而定之耳 定其尊卑隆殺之數使 說如今委送事不知屬官 世によった 後其弊非 如儀禮等書也不應便行得如封建諸侯柳子 訟 事 俚之 H 朱子日 州 3 縣封某人為諸侯人亦未必安之兼 如鄉飲酒之禮若要敎天下之 如今官司鶻突都無理會不如莫 可以通行這便是禮爲之去 能否胡亂送去更無分曉 樂

何斷一 授後主以六韜等書與用法嚴處可見若以此王 於子,但在一方各一人於下 輪番押來當日留住試以公事又怕他鶻突寫來卻與立 曉只縣官無由得知後來區處毎月版帳錢令縣官 只有子房與孔明子房之學出於黃老孔明出於申韓 於某處理某事某官如何斷一 了格式云今蒙使府委送某事如何一 能否皆不得而隱 日諸葛孔明大綱資質好但病於麤疎孟子以後人 時節某在 某个看詳此事理 潭州時州 如此於條合如何結絕 僚屬朝夕相 又於某時某再理某官 某: 人於某年 見卻自知得分 L 如此 逐 物 如

後來之戒也無事靜坐有事應酬隨時隨處無非自 戊午朱子六十九歲 少二、 里風 不 用 下 名一 其非故有志之土亦不免俯首其間為人所前卻此可為 不似其細密他卻事事理會過來當時若出來施設。 海可觀 朱子論古禮難盡行於後世是通變至論有後聖出亦 之 上錢木之餘 能易屬官輪番試事是知人要法居官者當遵而行

幸短 有以及民而自守勁正 亦難 運 心 孫敬甫書云所論才說存養 大伯豐者相從累年明敏過入儘能思索從事州 頗有來者然亦不多目 本 反復 得相聚 命 7 自光明不是死物所謂存養非 應為是耶疑義已略用己 50 而 大抵似用意未構咬嚼未破也漢卿 死甚 提撕不 也 |可傷悼| |齋中自去秋後空 ,與俱往軍 不為時勢所用 前未見卓然可望 耳 便是 即是動了此恐未然 意說釋其後 無 夫物事之來豈 八亦幸省 也唯 恐有未安 事 縣 西 随

論而忽已爲古 オー・耳鸣オ 覺然後謂之靜也去年嘗與子約論之渠信未及 云爲之擬耳當此之時何嘗不靜不 便自 動 敬畏直是合動靜用功之法理明然後私意脫落故 朱子存養之功原 若 他 刊正舊版俟 可見也誠意一 卽 此知覺炯然 明着 入深 山惟以求放心 可印即寄去 不專在 可歎恨今錄其語謾往 節此段章句或問近皆略: 小昧但 無聞 為主静時流於坐禪 判み明可 無見時隨時隨處 無喜怒哀樂之偏思慮 可必待冥然都無 觀 提 此 定 知 撕 辨

尼子。但多至今各个公子 持敬工夫差了當其静時早有偏在故發於氣質者終 **象山氣質不軌於理以就和平故致得學者如此由於** 他門前過便學得悖慢無禮無少長之節可畏可畏蓋 卻何得以晚同愚世耶大學章句或問至戊午猶修改 偏又不讀書窮理以變化氣質是以識見亦偏也朱子 按朱子曰從陸子靜者不問如何箇箇學得不遜只纔 山故於動靜交養存心致知齊頭用功之說全然差 及歧正之說謬無疑矣 1.甫日人無英氣固安於卑陋而不足以語-而無以制之則又反爲所使而不肯遜志於學 片

節禮樂射御書數之文必皆使之抑心下首以從事於 處省覺收斂而毋計近功如此積累做得三五年工 細立課程奈煩著實而勿求速解操存持守則隨時 為學者計且當就日用間致其下學之功讀書窮理 伏身心之助然不循序而致謹爲則亦未有鈕也故今 入德之階今皆無此矣則惟有讀書一 其間而不敢忽然後可以消磨其飛揚倔强之氣而爲 此學者之通患也所以古人設教自灑掃應對進退 **庶幾心意漸馴根本麤立而有可據之地不然終恐徒** 為此氣所使而不得有所就也朱子如此立教安有處 国月 オ田一人名 一事尙可以爲攝

皆有條理亦足强 各有意脈今人多是見得 蠢 大率朋友看文字多有俴迫之病淺則於其文義多所不 **有死遲速遠近亦何足較聞其臨行卻甚** 答播子善云所喻主 病隨 乃古人所謂執德不引者非但讀書爲然也要須識 慢 迫故於其文理亦或不暇周悉兼義理精微縱橫錯綜 正卿云季通云亡凡在日 無禮之失觀此則朱陸之 是多字各一学 事省察庶幾可以深造而自得也 人意也所示中庸疑義略此條析 避便欲就此執定盡廢他說 同志無不痛傷然 得失了然矣 三 了了區處 生 奉報

讀 包羅不得今可且讀詩俟他日所編書成讀之未晚書雖 有得力處也學禮之意甚善然此事頭緒頗多恐精力短 令其爛熟爲佳春秋 報恭叔致道趣之矣子約之亡深可痛傷此間蔡季通 到然大抵看得似皆疎淺更且玩索其間曲折意味方 道理外之卻別商量亦是一 貶所尤可惜目前便覺無人說得話也 可漸讀正經及三傳且當看史功夫未要便穿鑿說 了亦更宜溫習如大學語孟中庸則須循環不住溫 報去去歲卷子八月間 料本 倉 經從前不敢容易令學者看令恐 巳寄往黄巖矣不知何故 事也公食禮至今未寄

作書傳 ÷ 發明之 **俾足戍之** 諮說數篇及親稿百餘段具在其他大義悉口授蔡沈 體平讀書有得亦是書中至理若執一 玩 朱子所註數篇迄今反復潛玩述上天立君子民之意 按年譜云大全集止載二典馬謨金縢召誥洛誥武成 王奉天勤民之道師臣陳善責難之忱與夫存心出 可不熟讀其中曲折不見便有執一之弊故朱子特 日こま! シアスす!■/ ペス・ · 一書朱子教人讀書窮理極精密孰云晩年專指本 邊便廢他說故 Ė

間 **分子里粤末** 第二十卷十 此意 前輩說治懼室中率置尖物朱子日那箇 何面目 怕少間到危疑之際心亦 下要恁地懼且習敎不如此妄怕問習 而書傳遂成 先生昨日答語中謂理會得其性情之 不備具至於口授大義九峰先生聞之熟矣故十年 之本用人行政之方以及天文地理文義字訓之 段 (毎於已) 那箇卻分 明是危只教習教不怕著問習得 提撕然後有以見流行之妙正 是如此問人之手動足 不動否曰是如此 一德體用分別 在危增上 # 不能害 行床

是兩箇 事

突母方在那奉養時又自著注腳解說道這箇是孝如 還 事兄長方在那順承時又自著注腳解說道這箇是弟便 折旋蟻封遂欲如行步時要步步覺得他移動要之 忠信為敬是合當如此又問舊見敬齋箴中云擇地 道理只是常常提撕日這箇病痛須一 其倚於衡只是熟後自然見得否曰也只是隨處見得 省覺說這箇是當然日 是見得他合當是恁地問立則見其參於前在與則 是都覺得始得看來不是處都是心不在後挫過 子里野与各人公子 **丁問只是如事父母當勞苦有倦心之際卻須** 1是如此 一識得方得 無

グス里郷は 明辨 未朱子七十 在 深 區區愚見亦因得以自竭非小豧 按 此 子晦云前此草草奉答只是說得皮膚因此卻得 胡錄二段是身心合一 入有得者不能洪範五事論語四勿皆從身心著 一以理為主心在身在理心身只是 一胡泳錄 力抽敷述詳明然後 物光輝閃爍動蕩流轉是即所謂無極之宜 歲 乃能識別 工夫若能不動心見道理非 也詳來喻正謂 得前後所說之本意 덛

象照管要得常在目前乃為根本工夫至於學問 初仰高嬪堅贍前忽後亦是未見此物故不得爲實見 湊合則自是下 正谷神之酋長也學者合 子與學写後又多片 在目前以為直截根原之計 此其意則然矣若果是如此則聖 謂谷神不死I 言語直指此物教 、枉費日力耶論盂之言平易明白 致知克已復禮 **截事與此麤細** 向就核葉上 、者緊體察要令實見著緊把捉 下便要識得此 而卻都無此說但 零碎處做工 人設教首先便合 迎然不同雖以顏 無位 固 三 物後 、踐履 海心 痛

心之中許多合當做底道理而已但推其本則見其出於 體之極致而其所說用功夫處只說擇善固執學問思辨 談雖以子思周子喫緊為人特著中庸太極之書以明 擇善固執中正仁義便是理會此事處非是別有一 固守之也蓋原此理之所自來雖極微妙然其實見是 ilu グニュミオ田一名 已未嘗使人日用之間必求見此天命之性無極之冥而 AND DESCRIPTION OF THE PERSON 、心而非人力之所能為故日天命雖萬事萬化皆由 流出而實無形象之可指故日無極耳若論工夫則只 功夫又在講學應事之外也如說求其放心亦只是說 **篤行之只說定之以中正仁義而主靜君子修之吉而** 段根

詳其語脈究其意指亦是以天命全體爲物之渾然而 洞 中然後別分一心出外以應事接物也來書 物皆有實理如仁義禮智之性視聽言動之則皆從天命 口用之間收斂整齊不使心念 理 |做底道理漸次分明可以體察亦非捉取此 見全體而後事無不善則是未見以前未嘗 於前說也至論所以為學則又不在 智之 性 視 聽 言動 之 則 皆 是 其 中 零 碎 渣 海 之 物 須知願曾定見全體即無 而 日日江戸とラダローのなっ 特以洞見全體為功凡此似亦只是舊病也且 向 不善此說雖似無病然 平事事物物之 11/ 庶幾其中許 又云事 一物藏在 胸

オラリ 向使 功而未嘗就其身心上講究持守耳非病其不曾 者此亦不然前日鄙意正為韓公只於治 m 待其貫通而直以意識想象之耳是與程子所訶 說 未得其體以爲亦若自謂根原學問各有 相 不因來喻之詳終未覺其病之在是今幸見得不是 在懷袖問也此是學問功夫徹上 相輪者何以異哉來喻又疑考異中說韓公見道 關處 髙 冯 才 詳看此說須仔細尋釋 着し 勘 驗當自見得如有未契 亦坐此 更推其類盡將平生 向 徹下細 ヺ 國平天下處 更宜 密緊切處 捉得此 反覆不 種功夫 對塔 用 所

或因與書幸亦以此曉之勿令久自拘繁也大顚問答 語有力威動得人又是韓公所謂當閩而亦切中其病 疑只是其徒偽作後細思之想亦有些彷彿計其爲人 **看週更宜深體之也其餘已具見於考異外集卷中者** 公既聞其語而不覺遂悅之也然亦只此便見得韓公本 功夫有欠關處如其不然豈其自無主宰只被朝廷一 渠便藏了更不說著逐 機雖不會說 言而 得此碑亦無由見得許多曲折也坡公海 便如此失其常度哉此等處極不可草 而於修行地位做得功夫著實故其言 無由與之講論 至今以為

朱子聖學者略一卷十 舊學終難改之句每諷詠之亦足令人慨然也二詩亦未 就前說觀之恐亦可自見得矣蓋性命之理雖做然就博 甚曉不敢又便率然奉答然恐亦只是舊來意思但請只 外意況深可歎息近見其晚年所作小詞有新恩雖 **灭約醴實事上看亦甚明白正不須向無形象處東撈西** 如捕風緊影用意愈探而去道愈遠也 儒佛之辨止在毫釐雖經前賢發明若非朱子剖而晰 安卿初見朱子於漳州後十年又來見有顔子曾點之 此言安卿之病亦即指此則此書在已未無疑矣夫 又有陸氏 教後學將何所稟程耶蓋人心之靈原 可

非是零碎而不融會不做零碎工夫無由得到融會 得多行得多窮理愈徹性體愈明集義愈久性體愈固 位 無由光明洞達初生之苗無由植立盛大知之不明行 所謂明德所謂天命之性即此本心便是但一隙之覺 做 有打成一 故朱子教人居敬知行齊頭用工無有滲漏也且 **不盡無以復得本來具足之性只是用知行工夫知** 許多道理自立志居敬時許多道理根本皆在這 The state of the state of 論功夫數行正是教人理會根原不使外馳許 理皆從此分明所謂由大本推達道者實在於 一片復得本性時候綠此心此理原是一 細 地 物

外子里學者 大用然後顏曾周程之學了然明白朱陸之判無毫髮 使心體恍惚流於眞人谷神一派也若象山之說合 切指示從博文約禮實事上做去至切至近有把柄 陳廖朱子之高弟也微有好高之意故語類及此篇痛 便要先捉得一箇物事洞見全體下面工夫都疎略 塔說相輪之弊耳況末段論韓公正辨其不持守身心 而豈以持守為可緩乎要之不可重體輕用重心輕事 心 此豈不立本而徒向枝葉零碎做工夫者哉特持守身 而不向事物窮究觸恐持守者亦虛而無實不免對 反復詳味自知朱子辨睦之功不在禹 即着十 夫子·追娶与各个公子 時無底便著就而今理會所謂明德者只是一 **球是如何具眾理是如何應萬事又是如何卻濟得甚事** 稟物欲之蔽能存得自家箇虛靈不昧之心足以具眾理 解說但要識得這明德是甚物事便切身做工夫去其氣 多條理應萬事是那條理發見出來底朱子曰不消 門明之之功莫須讀書為要否日固是要讀書然書 可以應萬事便是明得自家明德了若只是解說虛靈 瓜便可就害上理會若書上無底便著就事上理會若: 或謂虛靈不昧是精靈底物事具眾理是精靈中有 其惓惓教學之心至今昭明如日 月也 T

問或問云心雖主乎一身六句不知用是心之用否朱子 **分明又要功夫 思著便是暗了明德能吹得著時又是明其明德所謂** 一者致知格物是要知得分明誠意正心修身是要行得 **理必有用何必又說是心之用夫心之體具乎是理** 收斂便是不敬四句只行著皆是敬 日夜來說敬不須只管解說但整齊嚴肅便是敬散 或問說敬處朱子曰 人與我一 該而無 無間 把火將此火照物則無不燭自家若 斷使無時不明方得 四句不須分晰只做 「然其用實不外乎人 句看 禽 明 滅 而

死了 理 問喜怒哀 心則管之心既管之則其實不外乎此心矣然則理之 鎺 物而其用在心也次早朱子云此是以身爲主以物 於已發時照見謂如見孺子入井有惻隱之心便照見 在物而 如此說要之理在物與在吾身只 朝聞道夕死 里县今久里人公十 可也若以聽人之說為聞道如此便死亦可謂 樂未發已發之別朱子日未發時無形影 用實在心也 面見穿嵛之類有羞惡之心便照見得有義 可矣此聞是知得到信得及方是聞道 叉云理 **偏在天地萬物之** 般 Ê

隱之心只就情上見說得暫時發見處如言孩提之童無 所威觸便自是發出來故見孺子入井便有惻隱之心見 或問孟子道性善章看來孟子言赤子將入井有恌惕惻 穿窬之類便有羞惡之心見尊長便有素敬之心見得是 裏面四面毫光放出來又云孟子此一章說得來連那本 非便有是之非之之心從那縫罅裏迸將出來恰似實塔 惡之心只是箇斷制底心惟是先有這物事在裏面但隨 为了<u>基</u>国表出了是一 **小親其親只是就情上說得他人事初無預於己若要看** 內外體用精麤都包在裏面無些欠闕處 裏面蓋仁未有惻隱之心只是箇愛底心蓋義未有羞

分追 过 者未發時那帆 物事如孟 簽 加持敬工夫已發加省察工夫方為切己朱子日 不中節然後不善此語最為親切學者知此當於末 一箇是親切那箇是不親切如此則成兩截了蓋 出 見るらえて 動者 來 怒哀樂未發何當不善發而 說動時見得是 即是未發底物事靜也只是這物事動也只是 存 子所就正要 一夫性 動中有靜者存人但要動中見得靜靜 惕恻隱與孩提愛親之心皆在裏面 程 子所謂天下之 人於發動處見得是這物事蓋 般物事静時又見得別是 中節即無往 理原其所自 ≜ 而 未

静時若 事沒這 頭 覆 **省且要識得動靜只是一** 氣必昏 物事 省驗見得 夜氣 秀問向曾 文 **里** 马夫 一静時 操則存舍則亡卻是用功夫緊切處是箇生死路 說話蓋動時見得這物事即是靜時所養底物事 存守得這物事則日用流行即是這物事而今學 氣既昏則心愈亡兩箇互相牽動所謂楷 章朱子日這病根只在放其良心上蓋心既 田 問身心性情之德蒙批論云云宋傑竊於 此 見得是這 心未發時其仁 着一 般物事動時又見得不是這般物 一箇物事 義禮智之體渾然未 之 放 反

有條理 गा 箇仁底模樣 是未發時 而無失與未 爲 智皆然今要就發處認得在裏 於 惻隱必 心性情之德是甚底模樣說未有區別亦如何得 但是片各一的一 此 惡必要認得羞惡之根在裏面 m 敬 無所分別然亦不 要 有 亂如 物事在內義自有 無失則發而 四枝雖 認得惻隱之 圆 此體認不知是否朱子日 別及自有條理而不亂在且 爲 根在裏面是甚底物事發 箇大根然必有四根 惻隱羞惡辭遜是非之 可 不 簡義底模樣物事在 有所分別蓋仁自 面物事是甚模樣故發 是甚底物事體 臣 一未須就 要識認 那 雖 敬

虚 難理會 敬在蓋 一静覺得 通曉也 無不融 則所 是要打破 **鳪**突所以專於敬 根 픨 也 Ē 一敬 又問 《是第一 不虛靜也要識得這 那黑底虛靜換做箇 静 只要識得那 田 不然則守定 宋傑 亦是箇 [敬心稍] 7 節 而無失上用 尋常 事 黑底虛靜不是簡 不存則裏面 覺得資質骨 那裏底虛 而今便把來夾雜說則鶻 是 白底虛靜則八窗 物事如未識得這物事 功日這裏未消說敬與 |是二便是虛靜 **郊**校置6 秋梯。 固 題但持 是昏雜而發於 白底虚静 敬 則 突 玲瓏 地 而 此 دراد

卡 f 見處便 追 動 有擾亂這物事 敬 或 物 **里島号各一8** 事模樣將兢兢保 敎 故 明德本體本體無 則不能知敬 謂虛靈以下八句本體: 事間道 一呂燾錄 見本體 第 一發也 是聞這 蓍工 便 ൬ 物 四 淵 事 〈須與程) 模樣 威動 物事惟這物事常在這裏端疑 育做 從 守 體驗模樣 動 識 純是 讀書是明這物事居敬 **帮雖殊皆是這** 而端凝不動之 須從惻隱羞惡菾敬 子能 亦不能知也若識 敬則知此参看蓋 團 生: 幾益 藍 物事 模樣物 然此 是 是守 得這 是朱 非 稍

幾依舊· 孟 見究屬影響也朱子教 來歷模樣體 一静静中見動 I K 此數段朱子實從大學孟子得力從來看大學明 博沿廣開 四端 玲瓏 裏學力所 裏其未發也 在這裏在 融通 無 B **腕擴充** 有 見何宗 如此 都是道物事若不識這物事求於 3 既有起伏 透 朱 是這箇物事貫通 在身只是這物事 元蘊蓄 關 子者偏諱之使本領處缺略 無論已發未發這 實於明德本體上用功原 轉換之勞到底不識主腦 親 切者看 而端 烫 凝不動之 仁義 本末 箇 禮智 內 外 物事 體 根 重加 體 耶 中 生

此 動日喜怒哀樂未發之 是 動亦是心 了聖學者略人卷十 形體之動與心相關 都沒理會 心已發抑未發 孟後 內外體 裏不恁地 一人也高忠憲以陸 向那裏 可專就 用精髓都包在 了說甚未發未發不是漠然全不省亦常 困 著 紙 前形體亦有運動 說 喜怒哀樂未發又是 形體行動心都不知便是心 否朱子日豈 水 到此亦只是 理義須反來就自家身 王 裏 面方透 是孟子)派豈其然哉 不相 向去書 關自 謡 耳 得明德實 目亦有視 般然 是心使: 際 他

知 争這些子不是後來又別有 只借他言語來就身 充盛處仰 動作所以充滿於 日浩然之氣只是這血氣之氣不可分作 就自家身上 知有聞見之 君止於仁臣止於敬之類 不愧俯不怍這氣便能浩然問何謂合而有 理會自 知否朱子曰知只是 推究始得 家 身之中者 下莫强於理義當然是 見米到聖 項知所知亦只是這箇事 都知得此只後來便是 即 是此氣只集義積累 、先說在那裏自家 樣知但有眞不 兩氣人之言

便是餒 呂與叔云未發之前心體 浩然之氣去助他如君有過 子 退學 号格 化 能十 便是浩然之氣助他此義如合說此話卻恧縮 事合當恁 氏未發之前心體 原頭未發都 (有未發時只 一發恐太過否朱 有此浩然之 地做是義 自家勇敢果決去做便是有 氣去助他 綸 昭 臣諫之是義也有冒死而 在說得亦好 動 已發乃心之 一静君 勇敢果決以 屗 則全別 用 動

天太聪 是静情 而言呂 静無 寂 何此語甚 動是 正三足 然 靜 (其可見) 已發而言此語 明看 m 氏 是動心則兼動靜 而 只是辨此 F **静還是靜中有動意** 也有指用 動之理 動有靜不是無以其未形 洹 Ħ 圓無病問)理不子 而 謂 13 而言者感而 心本是箇 細 有耳横渠心統性情之 何 固未當心 伊川所 伊 而言或指體或指 川後 日不是靜中有動意 來又救前說 **逐通是也惟觀其所見** 動物不審未發之前全 也有指體 而謂之無非因 無 1心者 Ē 用随 皆指 百 而言者寂 說 甚善 性 無見然聞 入所看 凡言心 動 周 發

見之理 人言之只是善端萌處否日以善言之是善端方萌處以 無蹤跡到 (歸宿時下稍若無追歸宿處便也無逭元了惟有逭 元是萌芽初出時亭是長枚葉時利是成遂時貞是結 **窮所謂維天之命於穆不已說已盡** 處元又從此起元了又貞貞了又元萬古只如此循環 **一月豈得無天地之心天地之心流行只自若元亨利** 天地之心日動亦不是天地之心只是見天地之心 三三 今天 在始得及動時又只是這靜底渟舉伊川以動之 昏迷中有悔悟向善意便是復如睡到忽然醒 陽動處生物之心始可見日 ころしょ 了十月萬物收斂 陽之復在 歸

處亦是復又如人沉滯道不得行到極處忽少亨達雖未 分子 聖 學 本 歌 一 卷 寸 未知天見事頭緒多旣知天了這裏便都定這事 問思修身不可不事親三句朱子日此處卻是倒看根本 根本老氏語畢竟無歸這箇何曾動 入行已有可行之兆亦是復這道理干變萬化隨所在 海淪 然道理學若不知天便配得此又忘彼得其一失其一 .修身修身得力處卻是知天知天是知至格物知得箇 鬼神造化之迹何謂迹朱子日神是陽鬼是陰往者 者伸便有箇迹恁地渟因舉謝氏歸根之說朱子曰歸 無 屈

事也定 是靜差 是惡物來威時定 無欲而靜則何 正 人動亦定靜亦定所謂定者是體否朱子日 只理之定 1 侵犯雖然就 善物 惡是動義便是靜 心寂然無欲 則如何! 而主靜中仁是動 體便是又日只是那 1/ AL 抑善恶來皆定 以酬酢事 其中又各有動靜 而靜處欲見所以正義者 正義 物之變而 日惡物來不威這 是静思 箇定理在 如 側隱是動 如先生解 天下 何以見 此中截 動哉 裏

宋子 聖 學 考 唯 一 卷 十 問聖人定處未詳朱子日 當應須是擴然而大公物來而順應再三誦此語以 多分數應這裏自定日子哭之慟何以見其為定日 號泣於旻天象憂亦憂象喜亦喜當此時何以見其為定 了得萬物各有當止之所知得則此心自不為物動曰舜 了當應不應又是死了 圓 此是當應而應當應而應模是定若不當應而應是飢 未發之前當戒謹恐懼提撕警覺亦是知覺而伊川謂 有知覺卻是動何也朱子曰未發之前須常恁地醒 知止而後有定只看此一 芼 ilti 句 便

静得然知覺雖是動不害其為未動若喜怒哀樂則又 是下面說復見天地之心說得好復一 恐此處知覺雖是動而喜怒哀樂卻未發否朱子首肯 瞑 問 何以謂之未發曰未發之前不是瞑然不省怎生說做 便 都 陽雖動然未發生萬物便是喜怒哀樂未發否日 里勢与各地/多十 須反來身 形體以下十二 是就自家身上發明以示後人今只誦讀於 **瞑然不省則** 日固是知覺日知覺便是動否日固日 推究此朱子教入讀書 三段其中云讀書不可專就紙上 理何 在 要法蓋聖 陽生豈不是 芞 求義 動 動

龙上" 墨基 马 **感便與之接忿懥恐懼好樂憂患心不淨四項事來**
感 的 確不光明不堅强理不定故也須是性體純乎天理極 便與之接原其不淨威接之由緣性體不復天理不的 再三言之至諄至切光要緊者須玩惡物來不處追 醒在這裏這箇何曾動這裏都是定只是一箇定理在 何盆故朱子切實指示學者所當反身默驗也其日 動只如平常的確光明堅定此方是理定方是常醒 不接二句學者不得定者嫁這名利心不淨名利來 項等事來我這裏只以理處之毫不為其所污染搖 確極光明極堅强干定萬定在這裏任他名利忿懥 H 17

物事常常存得不失如臨深淵如履薄氷曾子亦只是 何冷炦便自知覺 何 接如虎傷火爇便不是平日未發氣象此性體便死便 性 产,居分为人 (道理常常恁地把捉去若不用戒蘸恐懼) 體 **等肫切不當率意讀之只自驗定時如何不定時** 不得復生復潤安能得定可不懼哉朱子喚醒迷 **夫原於知天知天卽在體驗未發氣象是自家本** 1不須將戒謹恐 動靜皆以性體爲主故能理定若惡物來 、地與聖 難以筆舌道也 人耳便是堯舜周孔不成說是 懼說得太重只是常常提撕認得 Ë 而此理常 丽 感

得時變日 是自 夫恐只是占便宜自了之學出門動步便有礙做 **德性叉卻說道** カー
国
は
オ 7.是人欲又有誤認· 如今所說卻 又不接四方賢士又 「丁便待」 人說道 新 一夫依舊都 不能應變 H 而無窮安知他日之事非吾輩之責乎若 恐懼他 問學這五 7 夫做得二 只偏在尊德性上去無道問學底許 人欲作天理去若應變不合義理 〈不知遠方事情 是錯 也牽 那工 十分到終不足以應變到那 句是為學用功精麗全體說盡 了吾友僻在遠方無師友 强去應應得便只成杜撰 夫亦自未嘗得息子思說 又不知古今人事 事 多工

見於用 事情做出許多事業學者須是立定 理 綱 人欲 我 孙。 但是与各风松上 來 只管得自家若 別 邀易得到 許 只是 那 細 卻 不是揀那 無不周 箇 事 統無界分恐 是 **天理** 箇 所 國 精 大 檷 那箇 底放在 將此樣學問 綱 Ĩ 下梢打成 如此 是人欲云 間 向 暗昧更 恁 邊麤底放在 面 塊亦是一 煞有 地 去應變如 多都 此心汎觀天下 可恁 動不 條 影 地 目須是就 何通 二邊所 箇 得 |物事方 與他 理 得 許 做

訶 (有次第) 頓處 思量合做底因甚是恁地便見得這事道 來滚去捉拿不住又 面方 中如 來鑿去終是鑿不得 **星**邊元 放那 一就這事上 去做此正是病 把天理不放下相似把 致知時亦有理會那上達底意思否曰非也 致知又有許多次第力行又有多少次第涥 邊也 理合恁地便見得這事道理原頭處逐 旪 光 理會箇合做底是如何少 無頓處這天理說得蕩漾似 如水不公流遡源合下便要尋 處是先見有所立卓爾然後博 下學上達自有次第於下學 **箇空底物放這邊** 間 理合恁地 又就這事 塊水 銀 地

如 一然撞著成 臣有義 此 理會 便自見原 法教萬民及公卿大夫士之子皆如 凑 承教 恁地去干件成干箇 合來便成 Lin Man A 便 初只是有 有親 頭處 箇物事方如水到船浮又 日 裏面推說許多而今見得有親有義 / 32. 1 可先討見天理私心更有心 箇物事 兩句後來又就父子有親裏 因甚有義道 箇 原 杏日 物事萬件成萬箇物事 頭 理所以合恁地節節 不怕不成 件件 此 Ξ 都 如父子有 聖 箇 外教 物事 得 推 將 箇 親 恁 事

グニ・昼息え 理前夜所說只是不合要先見一箇渾淪大底物攤在這 **渾淪道理而今只先去理會那** 頭 長底道理這事自有這簡道理那事自有那箇道理各理 《行而已事親中自有箇事親底道理事長中自有箇事 將頭作 得透則萬 方就這裏放 此心未梢又會變了不審如何朱子曰這自是 箇當然之理眞見得此理則做此事便確定不 尾沒理會 リスト 事各成萬箇道理四面湊合來便只是 出去做那萬事不是於事都不顧理 了 一不去理會那貫將尾作 一事之 向 箇

晉守定在這 誻 大日近 謂潛心大業者何有哉渟曰已知病痛大段欠了下 友入侍坐定朱子目渟申前說日若把這些子道理只 子皇學写格學能十 件事重疊說其他詩書禮樂都不說如吾友下學也只 味若象山之學恐是斥鹵之地也 緣 那尖利底說魔鈍底都掉了今日下學明 工夫是零碎本來都是一 子從梁惠王以下都不讀只揀告子盡 同都是 日陸子靜門人寄得數篇詩來只將顏淵曾 [裏則相似山林苦行一般便都無事可做] 地中所生實實用功方知朱子之言有 理 如水流木榮穀實草茂 1 便

涿 他 地 尋到 那意思 論語 生教誨 然樂底道 做差異看 五篇 友 看 說只是自去轉尋到 揀擇論語 得 揖退朱子留渟獨語日何故無所問 正見 当 都 何用說許多事前日江 刪 理而今做工夫只是平常恁地去理會 孟 H 了麤底做麤底理會細底做細底理會不消 了 領大意但當歸去作工 不好處這 如論 子恁地揀擇了史書及世間麤底書如 5 語 便是樂底意思來卻無不做工 那 ſ 一十篇 極苦雄處便是好消息人須是 西朋友來問要尋箇 只揀那曾點底意思來 大日 難 () | 日數 樂處 承 湎

事情覽山川之形勢觀古今興亡治亂得失之迹這道理 何便要理會變聖賢說話許多道理平鋪在那裏且要閱 當理會常未要理會變常底許多道理未能理會得盡 無所不通無所不能那箇事理會不得如中庸天下 討常討變今也須如僧家行腳接四方之賢士察四方之 万見得周編士而懷居不足以為士矣不是塊然守定這 心胸平去看通透後自能應變不是硬捉定一 A. 思思 学各■ X 上 通變底聖賢亦無關門獨坐底聖賢聖賢 門獨坐了便可以為聖賢自古無不曉事 事已 Ĩ 物便要 如

無所不可 分门里岛本明八十十 便 會雖 覛 部書載周公許 在 繁豈有妙道 則有五紀 古聖 聽言動思 未能 在且 便要理會 面 | 賢許多規模大體 稽之 如 如 只守箇些子捉定在 洞 枢 律 精義在只是也要理會 禮樂射御書數許多周旋 悉 至於天 多經 許多物事如武王訪箕 於小筮翰之於庶徵 其精微然也要識箇 曆刑法天文地理軍旅官職之 國制度那裏便有國家當自家 人之際以入事則有 **也要識蓋這道理無所** 那裏 規模大概道 理會得熟時道 無所不備如周 許 子陳洪範自身 升降文章品 를 八政以 都做 類都 做 節

辨之篤 雅 事理會過 天理 文武之道 聖 《都無事》 得便了學時無所不學理會時卻是逐件上理會去 未理會 只恁 一人教 **ይ已被自** į 行之 地樣 **宁如此** 無 布在方策在人 いこ ノエー/ なん 不學而亦何常師之有聖人雖是生知然也 人要博學二字須是 得詳密亦有箇大要處縱詳密處未曉得 之不講這道理不是只就 子便要去通那萬事不知如何得萃百 日我非生而知之者好古敏以求之者 只理會 了今公只就 賢 得 者識其大者不賢者識: 門 博學之 內事 門外事便了不得 線上窺見天理便說 審問之慎思之 一件事上 理 明 所 也

然後觀化工之神聚眾材然後知作室之用於一 井子里 上欲窺聖人之用心非上智不能也須撒開心胸去理會 人未做工夫底亦不敢向他說如吾友於己分上已自見 天理大所包得亦大且如五常之教自家而言只有箇 **官君臣之分便定這裏面又煞多事事事都合講過他** 兄弟夫婦才出外便有朋友朋友中事已煞多及身有 不得如今只道 不說與公叉可惜了他人於已分上不曾見得泛觀 固是不得而今已有箇本領卻只捉定這些子便了 學古町一名 是持敬收拾身心日用要合道理無失 事

誠 無障 `格物致知便要無所不格無所不知物 心正身修推而至於家齊 子與學考咯奧像十 非 之學先立定此心收拾得緊不至走失全要格物物 玩朱子謂揨五段知朱子之 然其立教不教人細心讀書所以多疎略也若朱 上陳淳錄 磲 遺物然其教以靜爲主至於格物 物亦然用 本 中庸大學已說畫 加陸之 **始荆門王之用兵皆素所講** 了大學首 國治天下平自然滔滔去都 學絕非陸 便說 工夫多疎略 捷 王此也陸 格 格物致知為 知至方能意 即 雖

ノノニーエミーところ 明 成局及臨 **嚋易六十四卦禮三干三百天文地理制産學校之** 渾然之性立定腳根以為本領及推之物理如洪範 明此明德所以日就狹小故朱子敎人先明仁義禮 銘體會過來見得乾元坤元包羅天之陰陽地之柔 歷歷推究雖不能透極精微其大綱大目處早已 胸 八之仁義綱常名教都該括在這裏 大非實有得鳥能爲是言也朱子實從周易太極 合乎人心宜乎世變天地間許多道理皆! 則應事當方是有體有用之學如云天理大所包 事應變雖不能曲盡纖悉而要領布置處 1 人夾雜私欲 不能 類 西

嘉後士習皆然而近世尊朱子者又流於章句時文之 質或狹私流毒不小皆不格物之弊今兩家集具在 能合 讀朱子封事奏對諸篇及教安卿數段 **習使朱子格物實義又致遏抑聖學復明其何日哉** 言格物如此之明晰者 合來也陸王之學只以心光明為格物心地光明者 便能凑合不格物便不能凑合不是將外面逍浬 明天 シラ子 理但考究不詳必有不合理處故兩家弟子或 平達德達道九經之傳非朱子莫與承接也 四面凑合來便只是 乎但知收心而 箘 渾淪 竊歎格致誠 不知格物自 理正 IE 强

講水識得大綱分得涇渭 史致 **顏曾思孟天德王道之全體大用盡在大學中庸** 安卿先生庚戌見朱子於漳州朱子教以窮究根原來 矣誠反復於朱子教安卿者不恍 此體用兼該之正教也前朝如東廓輩 講求迄今觀勉齊敬子經營措置皆 不足刜川輩用處著力而體又不足則體 天下事乎故朱子教及門諸賢於全體大用實 用之學於此統聚於此發舒若非立定此心力 **退本明** 從此深入有得 則事至物來必有 然知所用力乎 仁說心說及問 有濟民卻敵 一體處著 **舛**錯 用皆失之 實 丽 論語 何 加 Ifi

見得他許多卦爻象數是自然如此不是杜 八世里多多人 諸章皆精實切當 聖道也人病不知耳知之學之得之實有自飽自己 以進於朱子亦即 教安卿所以學大有正路 味之妙豈可忽哉 立定此心识觀天下之理許多規模大體也要識 伯翔諸書學者誠取安卿諸篇讀之 從此無書不讀 日看易須是看他卦爻未畫以前是怎模樣卻就這 無物不格其見於北溪集答陳伯 由顏子之博約曾子之忠恕以進於 朱子深然之及己 可由正 門可入由安卿之 未再見朱子教 始知朱子所 Ē 詩 安 知 喞

为一里鱼大田 **菲定** 然在至虛至靜之中有箇 用 **懸空說出當其未有卦畫則渾然** 此段林學履錄 人須是就至虛靜中見得這道理周遮通瓏方好若 風俗世變而作書 哀樂未發之中 一未畫之前在易只是渾然 事說則滯泥不通了此所謂潔靜精微易之教也 物在便是寂然不動喜怒哀樂未發之中也忽 說潔靜精微之謂易 則 旦發出則陰陽吉囟事事都有在 因帝王政事而作易初未有物 一象方發出許多象數吉內道理 理在人只是湛然 水極 在: 、則是喜 心

或言大學補試動一二 日天生一 州軍武又何苦就補試也呂蓋錄 解額減損分布於諸州軍解額少處如此則人 **筮之說正大有意味在也** 易理即人心之正人心之正即易理以易理洗心則 樂於未發之中此聖賢滴滴歸源處必如此用功方見 右林沈二 段 但是有聖賢之君在上氣焰大薰蒸陶冶得別這箇 とうま シテスエリーター 次閒 一世人才自足一 一段朱子統六十四卦於畫前之易統喜怒哀 蘇與學履餘同時 一萬人之冗朱子日要得不冗將· 世之用自古及今只是這一 Ē

然只是去其甚者其他法令條目多仍其舊大凡做事底 或言太祖受命盡除五 做出來以其平日為己之心為公家辦事自然修舉證 轉況乎聖賢是甚力量 グニ・聖色ラ 王介甫 多是有才底李佩用蘇 争八九分只如時節 多是先其大綱其他 日籍溪嘗 李儒用錄 大綱 明 云建炎間動王之師所過 都不曾 [理會卻纖悉於細微之間所] 節目可因則因此方是英雄手段 代弊法故能易亂為治朱子日 少間無狀底人自銷鑠改變不 雖不好但上 |面意思略轉下 如 入無 面 敢 便

ï

若此也相顧失色遂整師以過 祐 排列未幾勤王之師人縣將肆縱橫之狀即命擊鐘 戒 問季 聞之如其宿戒以出師徒見其戈矛森 有底但季通 子,但是写各一人的一 所書高祖垓下之 **邑人各備器械候聞鐘聲** 通 好奇之論大凡有兵須有陳不 掠公私苦之 八陣圖說其間所著 分開許多方圓陳法不相 有 戰季通以爲正合八陳之法日 陳無 秋毫無犯邑人德之李儒 站者以才略 則 陳法是否朱子曰皆是 執以 混雜稍好又 出 き 列不虞其有備 隨其所居 稱當作某 此 問 相 縣

戰 使兵識將意將識 行陣] 各有條理方得今且以數人 關只衮作 後相角今人但見史記所書 遷為曉兵法班固為不曉此皆好奇之論不知班固 征戰亦未必用得所以張巡用兵未嘗做古兵法不 見老將說大要臨陣又在 |則須布| 見点、ネ 乃用兵之常故略之從省文爾看古來許多陳法 圓陳 H A A 團又只排 人既飽遺之 地 士情蓋未論 方則須布方陣亦豈容概論也又日 作 T番休妮! 、相撲言之亦須擺 臨機應變方略不同只如 甚詳漢書則略之 必須左右前後步伍 之士分一 軍為數替 便以 布得 過 所 將

劒戦退 如此更 卿問 子聖學考格一年十 入陣之先後 文說彭子壽彈韓促胄 |近處役重遠處役)戦令城中殺牛羊豕作肉串仍作飯分鄕長| 趙 沪鉄 范汝為日 番 + 則 激 困 īti 創 士常飽健而不至於困 後 更迭食之士卒力皆有餘遂 調 只用此法方汝為之來鬼 + 發第 日之事朱子日他 _ | 哲 只任氣性 八往代第 而三二十而五 不顧國體致促 乏 絕 鄉來張柔直守 不曉事情率 字 也 替亦如之 勝汝為 柔直起鄉兵 為數 如 胄 何 爾 南 如 而

助 了如 依 理 則 都 會 至明於白 要思 是計 浙 卻 呵 田 **今税** 間除 得 都 j 是 鄙卻 苦取 量白 þ 田 家 則於今 賦 概 了和 泉 放 成 3 田 如 九 丁錢 此 依 但 近 何 本 重 故 於 注 減 民處淳 큒 也 重 鄉 使 而 逐 便 E # 是 段至須大 IIII 今時 及 也 遠於別概 難 法 但 曉逭 時 都 節 恰 鯕 圖

柳子 他 了星 是 要必復 不見見 厚之 們 此 自去 狽若 破了 兩運 便 得但 廚 月 古人封建底好他只見得後去 理會 樁 必 論 司 思世故之多見得事勢不可停錄云見暢潛道錄想是他 **承取被某不能管得判** 看州府不來打罵麼某 何啻 封建 似 建 心是: 恁時節 偃之 及晚年1 過 打罵麼某在嫜 卻要行井 但也 面自 如漢 叉 、卻言 當 是行不可 不知如 初 要封 行經 箇 多 得序錄 可付 國 何 州 解發銀 而今縣 πŪ 如 後 封建 得伊 納 笑字 來 說云 田 得柳 便 便

東治其國一君國子民 臣教他去做其! 作不多不民臣共 静 得便與之猶爲 只坐 自他事做民 箇 퀝 秘害民 在 國 而天 更是 那裏 初 人也自 叉 襲封刺史 今且 無稽時不成 是未输充工程 國王 箇 不肯去 未必 得 不肯去卻要遣 他定是不肯去 卻 入都 如 便不好但 刑语而以 教百 一个目 何 里地 不肯去符 區 姓 教 . 君因而 禮宗錄云 箇之 論 子 封 箇錢塘! 孫 宣肯作品 罷 秦也 箇 决 親 世卻 錢 能 縣 戚 箘 利 尉 或 皆

去迫之使去這箇決是不可行若是以大概論之聖人封於數團不肯這箇決是不可行若是以大概論之聖人封 藏著不敢說破如子由便是只管說後說得更無理會實 得也忒煩前後都不相照想是子由老後昏眩說得恁地 宋子聖學考略叫卷十 他每每兩年籠說他若是主這一邊說時那一邊害處都 某嘗作說辨之得四五段不曾終了若東坡時便不如此 建卻是正理但以利害言之則利少而害多子由古史論 **義剛與淨同餘 故載之知程朱所言如是庶治道有定論戾** 人才随上轉移做事先其大綱此為政操要法也封建 行此段發明詳悉後來腐儒多執泥並未見此

答呂子約云代語之喻甚善妄爲此語今已是十餘 以告人無領略者今乃得子約書知其為切要之語始 安請且自反於心分別未發已發界分令分明卻將冊 無閘目無見時節否便是祭祀若耳無聞目無見即其 分付處也但前 囘 互恐轉生迷惑斷置不下也且如子約平生還會有 所說來合看還是如此否自心下看得未明卻將眾 **饋奠皆不能知其時節之所宜雖有費引之人亦不聞** 聲矣故前旒黈纊之說亦只是說欲其專一 日張富歸所惠書所論或問中語卻似

知 就而强使為 **率 勘不若只取子思孟子之言虛心平看且** 則須以有所知覺者當之不得合爲一說矣故康節亦云 居無事之時乎故程子云若無事時 **叉答呂子約云未發浩氣** 始見得若懷一 **长子 胆 學 号格 一 餘十 耳須聞目須見則與前項所答已不同矣叉安得曲爲之** 所覺之事此於易卦為純坤不為無陽之象若論復卦 陽初動處萬物未生時此至微至妙處須虛心靜慮方 一義乎至靜之時但有能知能覺者而無所 點偏主彊就意思即方寸之中先自擾擾 一義皆雜亂膠轕不可爬梳今 耳須聞目須見既云 搴 勿遽增他說

質爲何 皆與子思本旨符合更相發明但答呂與叔之問偶有凡 只以訓詁字義隨句略解然後反求諸心以驗其本體之| 極精微說到未發界至十分盪頭不復可以有加矣問者 至邀書中機思即是已發一句則又能發明子思言外之 未發已發子思之言已自明白程子數條引叙然處通 言心者皆指已發一言之失而隨即自謂未當亦無可疑 不能言下領略切己思惟只曾要說向前去遂有無 證言不待喜怒哀樂之發但有所思即爲已發此意 聖過言 如則其是非可以立判若更疑著請復詳論之夫 此所問之不切與程子平日接人之嚴當時 ij 4

當之言而寧信他人所記自相矛盾之說殭以已發之名 時節惟有爛熟睡著可為未發而又不可以立天下之大 侵過未發之質使人有生已後未死已前更無一息未發 卻据守其說字字推詳以爲定論不信程子手書此固未 無理會後來讀者若未敢低以爲非亦且合存而不論今 見爲一等時節雖未發而未嘗無心之有思乃與耳之有 見其地位時節之不同蓋心之有知與耳之有閒目之有 有此紛紛之論則請更以心思耳聞目見三事較之以 此其謬誤又不難曉故或問中麤發其端今旣不信而 75. 275 何故卻引惹他致他如此記錄前後差舛 都

皆何謂耶若必以未發之時無所見聞則又安可譏許渤 其下云曷嘗有如此聖人又每力訴坐禪入定之非此言 若苔未信則請更以程子之言證之如稱許渤持敬而注 意不過曰此氣能配道叢若無此氣則其體有不充而餒 以有思 聽目之有視爲一 而非入定哉此未發已發之辨也若氣配道義則孟子之 無先入偏滯之說以亂其胸次則虛心不氣而讀之 耳此其賓主向背條理分合略無可疑但麤通文理之 為已發則可而記者以無聞無見為未發則不可 反諸身而驗之則氣主乎身者也道義主乎心 明 等時節一 有此則不得為未發故程

非謂氣在身中而道義在皮外也又何嫌於以此配彼 爲崎嶇詰曲以爲之說曰道義木存乎血氣但無道義 發語而其下復言無是餒也以承之則所謂是者固指 為主以倒二者賓主之常勢也且其上旣言其為氣也 而無餒乎若果如 此氣便餒而止爲血氣之私故必配義與道然後能浩然 曲折不當下 而言若無此氣則體有不充而餒然矣若如來喻以 i L CIT CT 配字以雕二者合一之本形而又以氣 此則孟子於此當別有穩字以盡此意 道義形而上者 也雖其分之不同 則

其義以疑後之學者如今之云也且若如此則其上本未 蓋其言之得失白黑判然已不可 揜救之無及又况自家 依文解義者平實說故須從頭便作如此手勢翻弄乃可 他分別血氣浩氣小體大體皆非孟子正意而妄爲離合 於來喻之覆轍然只如此說已覺不勝其冗矣幸深思之 卻自墮於二物之嫌原其所以只因配義與道一句不肯 須說以直養而無害其下亦不須更說是集義所生矣其 以近分上明理致知爲急不須汲汲以救護前輩爲事 迤邐遷就委曲附會而求其通耳今亦不暇悉數以陷 別下數語以盡 此意之曲折叉不當如此倒其文而

他 义答吕子約 云謂當行之理為達道而沖漠無朕為道之 去舊見以來新意者也 乎他說之未契也須看得只此當然之理沖漠無朕非 不是小失不敢隨例放過且試奉扣若以未發爲太極則 原此直是不成旣話不謂子約見處乃只如此亦無怪 二卦畫安排頓放令有去著方可下語此張子所謂 耶竊恐更宜靜坐放教心胸虛明淨潔卻將太極圖及 發爲無極耶若鹊純坤不得爲未發則宜以何卦 人之溺 子里是写在一家上 乎但 所云未發不可比純 **一分明正如方在水中不能自拔又何以** 坤而當為太極 卡 爲 此 卻 未

記錄者之 所以說得愈多愈見支離粉冗都無交涉此乃程 **叉答呂子約云子思只說喜怒哀樂今卻轉向見聞上** 方說得無間若只是一 須分得此是體被是用方說得一 理之外別有一 『罪而後人亦不善讀也不若放下只自直 物沖漠無朕也至於形而 一睡未足時被人驚覺頃刻之間不識 一若必以未有見聞爲未發處則只是 此 下面說致中和方是說做功夫處 物卻不須更說 源分得此是象彼是理 源無間 一下卻有分別 門講 也 ifti 間

主年也又云以未路班庭怒哀樂時節は來 原更有一大病 得成 此。 矣相 此 フンロ三島とアメカロ・スー 等見解 前 聲思日塞乃爲得其性而 差 節 如 **枚擬獃罔兩漢矣干不是** 方無偏 若信 此則洪範 此 氣 未發時耳 發 聖 滯極 試根 及 **而兩儀四象八卦** 之都已發者太極 爲 人之心湛然淵 更著精彩冠莫要只管等閒乃是不曾識得自家有見聞 五事當云貌日僵言日啞 大極 須聞 任 狐疑今後更不能 致 目須見無知覺 只此句便不 知居敬費盡工夫卻 萬 靜 不是痛切奉告莫 聰 之 是 動 明 所以 封 也 須 說 洞 一視日盲 得 徹 說如 言知 也 決不 語覺此 皆此 不看 聽 知 如

分了里學老明本名十 境地須自家體驗純坤有陽是萬威俱寂而 無朕 未發喫緊處在心之有知二段未發而未嘗無知聞見 覺之理正純坤不爲無陽與復卦一 須自識得方能辨別涵養不可以筆舌道也第二書言 有威而未見於事之象也第三書只此當然之理沖漠 象復卦一陽是隱隱有感而未見於事之象徵妙處 發矣第四書不曾識得自家有見聞知覺而無喜怒 有此則不得爲未發思視聽感則幾動即復卦一 昭具在即純坤有陽萬咸俱寂而一理烱然之象也 說明用不離體體不離用不得舍當行之理別尋 陽初動不同此種 理烱然 陽

朱 子 此 時 全 體 何巴 末 極 模樣令學者反觀盆親切矣寺丞之差由於以未發 氣豈孟子本指朱子詳盼辨論正窮理的當處要之 作骨子則未發已發陰陽動靜皆太極運用寺丞終 道義之說寺丞以無是是字指道義言與上下文不 理會朱子所以有答敬甫一書申明此旨也至於氣 樂時 地 極遂有錯解 不知無氣 ASSET AND CAL 動 中 點靜處堅固凝聚太極之定也即覺 配 太極靜中 **迫義便是氣不能行道義單指道義而** 無聞無見之疑朱子特注明之能以太 遣旧程子無見聞而有 點覺處昭融明旭太極之 見聞之理在

うご、国風コネ 處約而言之則高堅前後者顏子始時之所見也博文約 答廖子晦云所論顏子之歎大概得之然亦覺有太煩雜 身玩味毋徒以文字讀之則幾矣 論忽已爲古人之語考之則四書在丁巳無疑矣故附 也只有浩氣渾淪純是道義所謂全體太極也浩氣即 心中太極不倚於陽也即定即覺心中太極不倚於陰 於後 氣者太極之發舒不可以體用分卻有終始意學者 四 元氣之直達處 元氣渾浩氣盛 元氣者太極之含藏浩 書未詳何年以六十三卷答孫敬甫去年嘗與子約 田一大

随 驗也中庸 排喚作心性也若不如此政使思索勞苦說得相似亦 幾成廢墮然賴天之靈此箇道理時常 得此簡道理無處 手消散不爲吾有況欲望其融會貫通而 見李先生常說少從師友幸有 子里基后各 此 工夫不可間斷耳若能 可見其持守之功矣然則所見安 所謂得 用力之方也欲罷不能以後者後來得力之 熟也近時朋友漫說爲學然 老上 一善則拳拳服膺 不在不是塊然徒守一物而硬定差 如 所聞 此 而不失 實用其力外之自 中 只 在 間 肥 與己為 者 無講習之助 謂此 聊 恐

其政不待作威 **툊賽見處也叉云為政以寬為本者謂其大體規模意思 獲講學之利而徒取廢錮之禍者甚** 一於政事便須有綱 大意然持之以外全在日用工夫勿令間斷外當自 如此耳古人察理精密持身整肅無偷惰戲豫之時故 大則遂漠然忘之 不能通得訓詁 而自嚴但其意則以 7 以隨事及人 紀文章關防禁約截然而不可犯 更無頭緒可以接 因循苟且 而無 /愛人為 可歎也來喻蓋已 頹 暴 弊不舉之處 本耳及其施 寒日往

蔽 反 和 如孔還日失覆 後 可否與奪之 、被其澤 耳 知 聖 哇淫非古之所謂寬與和 如 まっこうです 而 周 裏倅違後計臨稼 失知會則急 矣 子 權 然 反欲其 此 可 皆 加糾謬吏否否 事 則 雖有 利 省正矣然不是 不在 害 如之又後在兩 淡蓋今之 爲 愛人之 本 在 於 त्रा 無 今 類簽道便見程 是姦豪得志 者 前 心 所 不押送可爭限 反 裐 故 欲 兩見訟則 ां 不 《必以是 寬 事 其 必 者 嚴 Ē 敷給海無到急 引 無 統 īfīj . 乃 正 還上政官不 善良 嬌之 縱 傳考 以 紦 此今州事常在 緩急 驰 古 所

然後 **朱子里粤本明** 明蓋以其所見而言則自 可更思之叉云曾點 不知從前說太極 **答廖子晦云心性** 於此者 之有若以事實言之則旣曰行有不 此要當反之於身須是見得曾點之所見存得 學問之道只到此處便爲至極 刑罰 何疑哉聖人與之蓋取其所見之高所存之廣耳 可省 賦斂可薄 一段集註中所引諸先生說已 段 五 大概 所謂以 源徂流由本制末堯舜事業 四端之未發時此心卻在甚處 則然但 / 寬爲本體仁長人孰有 換便是曾點實未 無以加也然則學 間方説 AL. 極

倶到無所欠闕 所存而 日用克己 |復體之功卻以顏子爲師庶幾足

足於心不過謹身寡過之士耳細註極精實可坐言起 **夫便有流弊矣前書第二段尤宜詳玩蓋學與政初無** 顏子爲師干古學聖津梁被此數語道破不做顏子工 書二段皆可默會而見點所見存點所存克己復禮 身雖當倥偬亦有依據庶不至隨手消散果能如此後 前書首段只在居敬窮理著實用功事事反己刻刻檢 A. 日三年产号在 ▼ 24 上 **徽若不了徹空言** 理當身規矩條理固要分明行政規矩條理亦須了 一體之愛何濟於事何益於民何快 目

答度周卿書云比來爲況如何讀書採道亦頗有新功否 分一、耳尾を乗りたけ 耶歲月易得義理難明但於日用之間隨時隨處提撕此 心勿令放逸而於其中隨事觀理講求思索沉潛反覆庶 外乎此身而吾之所謂學者舍是無有別用力處矣因書 信筆不覺縷縷切勿為外人道也 、聖賢之教漸有默相契處則自然見得天道性命眞不 版數語似當在丁巳故附之 行者非関歴人不知 按前書有廢錮之禍一 按朱子與髮亞夫書云明年便七十矣去年度周卿 語後書第七段有韓文考異刻

而無不在及其動也仁義禮智之因處觸而秩然者發 片故其靜也仁義禮智之有界分而渾然者全體於中 於藉年至精至密者皆融會於至純至熟之中打成一 之要朱子此時若用力若不用力自然合一可見於此 逢原是以抽關啟鍵盡傾底裹以開示學者使知所以 矣蓋朱子持敬工夫至純至熟致知工夫至精至密至 合本卷所載答潘子善書觀之雖是教潘度二 見於外而無不宜一動一靜即心即理深造自得左右 託致意云云則此書亦在 日三五三七子又丁 力以無失乎孔孟立敎之正脈爲試閱象山文集有 1.3 丁巳前後故附於 Y. E 一君用功 此

答林德久云如所謂私意脫落無有渣滓爲盡心即不 卻 明更宜思之況 自應有先後也太虛實理正是指形 便到得此田地耶此處一 以信之矣 邓 之 如何說存心兩字兼旣未知性卽是於理尙有未明如 此二 同即尊朱排陸者競謂朱陸之異至其所以異者 篇之詳明親切苟學者反復而潛玩之其必 此之詳問 知者有渐之詞 明 親切者乎彼援朱入陸者妄謂朱陸 差便入釋氏見解矣此理)無理可平以此思之 而上 者 而言既

禮 之方始有質用不為空言也 美當正教取之法欲吏道良當人其任欲民俗厚當 肶 李敬子問云燔竊妄謂顏子四勿曾子三省與夫博文 樂欲强甲兵當怭寓兵之意欲足財用當急農桑之務朱 子云大概是如此亦須更讀書窮理博觀古今聖賢所處 也又問云燔嘗謂欲君德之美當重保傅之選欲士風之 目曉然也 に、こ、「島田県公司を日本公本」」 朱子日勿之省之亦由內要之內外不是判然兩件事 動容正顏之事皆資外養內之事也學者惟當悉意於 此書未詳何年文集序於仕宦書後故附之 堇 興禮

揀擇如此久之自當見得分明守得純熟矣今看此 密更讀聖賢之書逐句逐字一 分初時須要大綱持守勿令放逸而常切提撕漸加嚴 類耳若學問之功則無內外身心之間無魔細隱顯之 貼裏者但謂不可向外理會不干己事及求知於人之 而務極精微之蘊正使說得相似只與做舉業一 玩朱子勿之省之亦由內語實用不爲空言語是有體 已分上全無干涉此正不貼裏之病也觀此則朱子持 用之教可循塗以從事者也朱子答余國秀云所謂 抵不曾著實持守而遂賣純熟之功不曾循序講究 一理會從頭至尾不

朱子聖學考略人卷十 氣不肯與他散佛氏也只是見這箇物事便放得下所以 命之理佛老也只是理會這箇物事老氏便要常把住這 這皮殼亦無所包裹而今儒者只是理會這箇要得順性 這物事方始具是形以生便有皮 包裹在裹若有這箇無 因說天之明命日這簡物事即是 氣便有許多道理在裏 人物之生都是先有這億物事便是天當初分付底旣有 伯量者亦相近伯量錄在戊午故附之 答敬子書末詳何年按答胡伯量云敬子說是則與答 有異說乎 守讀書至**老皆以此立**教聖學大宗定於一是何得尙 趫

下分付底保合便是有箇皮殼包裹在裏如人以刀破其 以為物都是正箇性命保合得箇 和氣性命便是當初合 外物入不得及其出而應接又不陷於彼 腹此箇物事便散卻便死 又曰而今人會說話行動凡百皆是天之明命人心惟危 心惟微也是天之明命 生欄 中方得其正聖人之心周流應變而不窮只爲在內而 和聖人於乾卦發此兩句最好人之所以為人物之所 心須卓立在八九者之 福都不動只是他去作弄了又日各正性命保合 外謂意處而勿陷於八九者

問五十知天命朱子日上蔡云理之所自來性之所自 面 包括乾坤提挈造化細則入毫釐絲忽裹去無遠不 五行次言五事蓋在天則為五行在人則為五事知之者 語自是子頁謂性與天道性便是自家底天道便是 是 如此太極圖便是這箇物事箕子為武王陳洪範先言 不到但須是見得箇周到底是何物 子亦言思則得之不思則不得也又曰此箇道理大 知得窗模樣形體如何某舊見李先生云且靜坐體 節這箇物事 何形象問體認莫用思否日固是且知四端雖固有 上面有箇腦子下面便有許多物事徹 至 周 則

發明這箇道理這箇道理吾身也在裏面萬物亦在裏面 書只是去理會得文義更不去理會得意聖人言語只是 是兩箇物事是一 是這裏流出所謂德盛仁熟從心所欲不踰矩莊子所 叉日聖人之心直是表裏精麤無不昭徹方其有所思都 分三馬馬老田一是二 天地亦在裏面通同只是一箇物事無障磁無遮礙吾之 子因說子在 貌而天蓋形骸雖是人其實是一 川上章問日今不知吾之心與天地之化 簡物事公且思量良久乃曰今諸公讀 人即川之流便見得也是此理無往 塊天理叉焉得而不 重

非極 頭天地不相似處要與天地相似又日虛空中都是這 根桃便有許多芽葉枝葉牽一 道理聖人便隨事物上做出來又曰如今識得箇大原了 便見得事事物物都從本根上發出來如一 而今不可將大人之心只作通達萬變赤子只作純 **医一大人之所以為大人者卻緣是他存得那赤子之心** 說蓋大人之心通達萬變而純 知而純一 人心便小所以與天地不相似而今講學便要去得 但天命至正人心便邪天命至公人心便私天命 無偽 简 則干百箇皆動 無偽赤子之心未有 箇大樹有箇

謂麥孫云公旣久在此可將一件文字與眾人共理會變 以其與天相合也 問氣是合下有否朱子曰是合下有若不善養 說過朱子曰而今解得分晦了變孫請再看底文字索 又日於天無怨於人無怍下學而上達自在這裏做自理 朱子 聖 學 考 解 、 着 十 孫請所看底文字日且將西銘看及看畢變孫依朱子解 會得如水無石如水無風貼 貼地在這裏但有天知而已 無主宰或消滅不可知或使從他處去亦不可知 **去看會看底就看處自虛靜這箇互相發** 而今看道理不出只是心不虛靜否朱子曰也是不曾 則無理會

像有箇光明閃爍底物事在那裏那不知本是說無這物 思錄披數板云也揀不得遂云無極而太極而今人都想 **乐子聖學考略可卷十** 静之前又有動推而上之其始無端推而下之以至未來 事只是有箇理解如此動靜而已及至一 陽太極動而生陽只是從動處說起其實動之前又有靜 倒 之際其卒無終自有天地便只是這物事在這裏流轉一 義不動則靜不 靜則動如人 **連都只是這箇物事滚滾將去如水車相似一箇起一** 日便有一日之運一月便有一月之運一歲便有一 箇下其動也便是仁是中其靜也便是正 一動一靜便是陰 耄 一歲之 箇

亨其靜便是利貞都不是開底動靜所以繼天地之志 無空處又如善惡不是善便是惡不是惡便是善聖人定 之以中正仁義 息大而言之君臣便有義父子便有親此都是逃天地之 物事機關一下撥轉便攔他不住所以聖賢兢兢業業 地進退消息盈虛與時偕行小而言之饑食渴飲出作入 天地之事便是如此如知得恁地便生知得恁地便死知 **六是這箇道理所以君** 恁地便消知得恁地便長此皆是繼天地之志隨他恁 便是主張這箇物事蓋聖人之動便是元 子修之便吉小人悖之便囟這

略緩急耳而今萬物到秋冬時各自斂藏便恁枯瘁忽然 只是天地之塞吾其體天地之帥吾其性只是說得有詳 道成女二氣交感化生萬物萬物生生而變化無窮焉便 也各一其性無極之眞二五之精妙合而凝乾道成男坤 俟之所以立命這與西銘都相貫穿只是一箇物事如 五行一陰陽也陰陽一太極也太極本無極也五行之 他受用他起居食息都在這裏離他不得所以仁者見之 マニュニュニラ大日人、公子上 青黃碧綠無非天地之化流行發見而今自家喫他著 下春來便自發生條暢這只是一氣一消一息那箇滿 地故曰存心養 |性所以事天夭壽不貳修身以

知所謂發生不知所謂收斂醉生夢死而已周先生太 **叉是繼之者善只管如此仁者謂之仁便是見那發生處** 善便似日日裝添模樣成之者性便恰似造化都無 便謂之仁知者見之便謂之知無非是此箇物事繼之 分一马马之 人物莫不如此如人方在胞胎中受那父母之氣則是繼 者善及其生出來便自成一箇性了便自會長去這後 到得成之者性就那上流行出來又依前是繼之者善 者謂之知便是見那 只滚這幾句易之為義也只是如此只是陰陽 此出故日易有太極這一箇便生 收斂處百姓日用而不知便是 可做

做 逐 兩箇 |窮盡若靜而不失其體便是天下之大本立動而不失其 吉囟生大業聖人所以說出時只是使人不迷於利害之 理 便生三十二 處有善有惡了德便只是善底為聖為賢只是這材料 便是天下之達道行說來說去只是這一 是那動方其靜時便是有箇體在裏了 又舉第三大本達道章說云未發時便是那靜已發時 恁地不是人做底都不曾犯手勢幾善惡便是心之所 耳少頃又舉誠幾德一章說云誠無為只是自然有實 上自己在一方名人 四箇 |箇三十二箇便生六十四箇故八卦定吉卤 四箇便生八箇八箇便生十六箇十七 牵 起 **簡道理變孫** 倒無有

問 原 此 、必有是四 者性 四者 義便是用否曰仁 山說知其 說 2ŝ 動處是仁流爲江河匯爲 頭推說來然其界分自孟子方說得分曉陳仲 愛父母愛 不會了孟 此简道理孔子只說 耳道学 都不曾 然又只是以理言到 理 者這 兄弟爱 分別出性 子說得麤疎略只是說成之者性不曾從 一名 四沓 所以為仁 1只是流出來底義是合當做底 鄉黨愛 亦有所附著朱子日孔子說得 是 如何孟子乃分 祉 知其分殊听以爲義仁便是 周先生說方始盡 陰 朋 沼便是義 陽之 友 故 謂道繼之者善成 舊 有許 如側 刖 方始 隱之心 出 多差等 蔚 說 見得 是 圳 因 細 問

這便是仁各親其親各子其子這便是義這箇物事分不 樣禮也是如此如天子七廟諸侯五廟這箇便是禮其或 其子子各孝其父而人不嫌者自是合如此也其慈其孝 處呂與叔說天命之謂性云自斬而緦喪服異等而九族 争自是天性合如此且如一堂有十房父子到得父各慈 得流出來便是仁仁打一 一情無所憾自王公至皂隸僕章異制而上下之分莫敢 」或五之不同便是義禮是理之節文義便是事之所宜 仁使時義卻留在後面少間放出來其實只是一 旦退 如敬只是一 とうとは、人など 簡敬到敬君敬長敬賢便有許多般 動義禮知便隨在這裏了不是 Σ

只是一 他說道之形體 來亦好則劇又舉邵子性者道之形體處日道雖無所 切萬物無不是這道理推而廣之亦無不是這 如何地去 **適物事而今這裏略略動這三館便都在子細** 恁 界分便有許多分別且 有這仁義禮知便知得他也有仁義禮知千人 則那理應這便是性出頭露面來底便是情其實 地那事合恁地這便是心當這事感則這 初講 明一光 尋討他只是囘頭來看都在自家 便是說得 也豈意到這裏幸而天假之年許多道 好 如心性情虚明應物 性分之 理 知

調 理在這裏今年頗覺勝似去年去年勝似前年 其心而今顯道輩便是以清虛寂滅陷溺其心劉子澄輩 地恁地都不濟事次日又言昨夜睡不著因思願道恁地 底書讀朱子曰聖賢已說過何待更去理會他但是不恁 心直是如此而已其生徒復說孝弟爲仁之本朱子曰 子是事多各門 第二 顯道曰人不相見不知年來做得甚工 是以務求博雜陷弱其心周公思兼三王以施四事 不合者仰而思之夜以繼日幸而得之坐以待旦聖賢 不得若是恁地便不是自强不息底道理人最怕陷溺 上林爽孫錄 一夫日只據見成 Ĕ

興 |義理如某便謂是須當先知得方始行得如孟子所謂 說 說底便是了要特地說又似無可說而今與公鄉里平 其病痛所自來少間自家便落在裏面去了子曰詩可 隱是 下精舍大會學者朱子日荷顯道與諸生遠來某平 邪遁之辭何與自家事自家必欲知之何故若是不知 不同處只是爭箇讀書與不讀書講究義理與不識究 可以觀可以羣可以怨邇之事父媳之事君多識於 也 根上發出底萌芽親親仁民愛物便是核葉次 都未是因命林武子說 面六節固是當理會若鳥獸草木之名 過旣畢朱子曰仁是根 詖

分丁里母末

田

えて

圣

积于望望号坚则够上 知 只將昨日所說有子章申之於是直 於清虛曠蕩之地卻都 **今但見得些子便更不肯去窮究那許多道** 有解 為某說 若說孝弟是仁之本則是頭上 紁 平時看文字甚子細數年在 得方可張子曰書所以維持此心 聖賞 家知之但 也是說得維持字好蓋不讀書則此心便無 相傳之心法旣畢朱子曰仁便是本仁 編 直 卿 是既為 起辭朱子日不必多讓顯道 不知豈 、則於天地之間 可 三山也然有盆於朋 一安頭以腳為頭伊 如 卿略言此章之 此直卿與某相聚多 時放 笠 下則 理陷剔 物理須要 更無 日 指 時德 友 其 用 可 今

以將 舊推而至於仁民皆是從這物事發出來人生只是箇陰 時便事事有第一 箇物事裏面發出來如愛便是仁之發才發出這愛 四省 那陰中又自有箇陰陽陽中又自有箇陰陽物物皆 箇四時以一 仁義禮 爲字屬行字讀蓋孝弟是仁 四箇而今且看如天地便有箇四方以一 更退え 是本發出來卻有許多事干條萬緒皆只是從 档 世門が 何嘗有箇 日言之便有箇晝夜昏旦以十二時言之 是愛親其次愛兄弟其次愛親戚愛故 |孝弟來他所以恁地說時緣 夏面發出來底性中 智這四者方未發時 歲言之便 是

行仁以此為本如這水流來下面做幾箇塘子須先從那 長長須知親親當如何長長當如何年長以倍則父事之 子但據某看孝弟不特是行仁之本那三者皆然如親親 是本行仁須是從孝弟裏面過方到那第二箇第三箇塘 是仁義禮智及其旣發便有許多事但孝弟至親切所以 十年以長則兄事之五年以上則肩隨之這便是長長之 てい まるるのでました 般這便是貴貴之道如 此便是義事 親有事親之禮事兄 **何事兄之禮如今若見父不揖後謂之孝弟可不可便是** 事君時是一 **箇** 期子過那上面便是水源頭上面更無水了仁便 般與上大夫言是一般與下大夫言是 £

多事則難此一段本注與麥孫同錄 行禮也由此過孟子說孩提之童無不知愛其親及其長 **外门里峰之,账户第十** 件合先做底也易曉夫子也只略略說過如孝弟謹信訊 朱子日人如何不博學得若不博學說道修身行已也猛 **其事之之道這便是知只是這一箇物事推於愛則為仁 愛親仁也只一處恁地說若是後面許多合理會處須是** 江西之學大要也是以行己為先朱子曰如孝弟等事數 講學中來不然為一鄕善士則可若欲理會得為人許 之則為義行之以遜則為禮知之則為知良久願道 無不知敬其兄若是知得親之當愛兄之當敬而不違

修身處時 中国 思想与各国公共 致 來只成 去講學要修身身如何地 知格物若不致知格物便要誠意正心修身氣質純 曲折意思甚密便是學時 誦念終始典於學厥德 不得大學誠意只是說如好好色如惡 便都 一黃義剛錄 已自寬了到後面也 八水多 顚 箇無 見 識 底 默 7 如劉哼吳之徒六經說學字自傅說 聞時惟建事學於古訓乃有 罔覺日 人若是意思高廣底將來 自無甚事其大本只是理 此段本注奏孫下 數句只恁地說 其德自 恶臭及到說 獲朱子

意如何且如公冶長雖在縲紲非其罪也若當時公冶長 問莫之致而至者命也如此干之死以理論之亦可謂 當活看如孟子說桎梏 處孟子謂舍生取義又云志士不忘在溝壑勇士不応喪 所以殺身以成仁且身已死矣又成箇甚底直是要看 死於縲紲不成說他不是正命有罪無罪在我而已古 正命若以氣論之恐非正命朱子曰如何恁地說得盡 **其元學者須是於此處見得定臨利害時便將自家斬剉** 而死者皆正命也當死而不死卻是失其正命此等 須壁立萬仞始得而今人有小利害便生計較說道 而死者非正命須是看得孟子之 itt 處

恁地 地 此 死 張這 王岳与王一尺二 化 段所 非正 貼貼地在這裏皆切要細密語 是閑 賜錄 流 是事 物事 具太極 段朱子是時正是渾然中正 云各正 命 底動靜 發見起居食息都在這 天立命冥趣 也通書 何得 性命保 西銘 也 只该這 通 戦戦 注 · 味 也滿 夔孫 太和 兢兢死而 幾句 同 吾心 山青黄碧綠無非天 裏 理也後說 易也只是 後已 離 玩太極 卽 Ş 義 他 三只得隨: 主張這 地 不得 心 如 西 銘通 业比 正 他 箇

段 禮 逢原大成時候也若夫象山非無讀書窮理之功亦略 即前聖之心天地之心許多道理融會貫通直到左 教人格物講學明此理壁立萬仞守此理學者必遵此 段 家性分之內即所謂許多道理在這裏也 窺 心講究義理而涵養固守之積累旣多久與俱化此 方有主張也嗚呼朱子之學至矣朱子於聖賢經書細 互相發明朱子身心行事總是四德流通也後二 見世間事干條萬緒皆從這四箇物事發 **智是主張這箇物事之樞紐天地萬物道** 學老四一第十 已其中條理之精密次第之曲折許多合理 砻 玩訓顯道 出來與前 理 都 段

散他根卻在這裏盡其誠敬亦能呼召得他氣聚在此此 祀卻有威格者如何日畢竟子孫是祖先之氣他氣雖 難說只要人自看得問下武詩三后在天先生解云在 人之死也不知魂魄便散否朱子曰固是散叉問子孫 产,但多与各人,第一 陽明宗之直 太極一 理毫無理會矣豈不大可懼哉 見成裏所以俯視聖賢輕忽經書大為學脈之害其徒 之柔者不過一 一書直以老子爲比則西銘通書周易亦未必能 |不講只以經書||言語帮助自己見識觀其於 一派陰禪說話於太極西銘通書周易道 鄉善士其很者率多悖禮勢所必至而 复

合於天日也是如此這事又微妙難說要人 理用之云恐只是此理上合於天耳曰旣有此理便有此 天言其旣沒而精神上 プー
国
基
ラ 固不 王真箇在上帝之左右真箇有箇上帝如世間所塑之 壇墠一節分明是對鬼用之問先生答廖子晦書云 得這箇道理活叉如云文王陟降在帝左右如今若說 理有正當易見者又有變化無常不可窺測者如此方 或日想是聖人稟得淸明純粹之氣故其死也其氣 一散者旣化而無有矣而根於理而日生者則固焅 可然聖人如此說便是有此理如周公金縢中乃 田川六 一合於天此是如何日便是又有此 八自看得世

他 康权 無窮如禮書諸侯因國之祭祭其國之無主後者如太公 於齊便用祭甚爽鳩氏季前逢伯陵蒲姑氏之屬 氣便絕無了他血氣雖不流傳他那箇亦自浩然日 無窮也故 子皇學与各人常一 根於理而 國自合當祭不祭宜其如此又如衞侯夢黃熊 此國來禮合祭他道理合 此氣只一 云相奪子饗蓋晉侯都帝邱夏后相亦都帝邱則都 日生者浩然而無窮此是說天地氣化之 一蔡謂我之 般周禮所謂天神地 如此便有此氣如衛侯夢 即祖考之精神蓋謂 示 人鬼雖有三 長 樣 蓋他 此 生 鞷 业 .

得上麥之說已是煞分曉了 要與賢說無何故聖 然使其無子孫其氣亦未嘗亡也如今祭勾芒他更是遠 鬼而今且去理會緊要道理少間看得道 討說只說到這裏要人自看得孔子日末能事人爲能事 北三国西书 說洋洋乎如在其上如在其左右虛空偏塞無非此理 既合當祭他便有此氣要之通天地人只是這一氣所 為縣之神亦是此類不成說有子孫成方有處格之理 此段道理必從周易太極西銘實實穿過來克己養性 要人看得活難以言曉也所以明道答人鬼神之問云 H 人卻說有要與賢說有賢又來問某 理通時自能曉

孔子又稟得那短底所以又天又問一陰 得做聖賢卻管不得那富貴稟得那高底則貴稟得那厚 **吾以為聖人然稟得那低底薄底所以貧賤顏子又不如** 《賤何也朱子日便是稟得來有不足他那清明也只管 之問聖 产是學与格里的一 則富稟得那長底則壽貧賤天者反是关子雖得清 流行張子所謂生死一天人一即此段精義也 皆是方是心中正理正氣與天地正 心 一覺得盈天地間總是這箇其不息者皆正理正氣 意誠自家心中清明正大之 人得天地清明中和之氣宜其虧欠而夫子反 理氣洋溢飽滿 |理正氣相接自 R 隨 朔 時

是有意日天地那裏說我特地要生簡聖賢出來也只是 又答人書云世間萬事須臾變滅皆 如追亡似此年歲間看得透活潑潑地在這裏流傳方是 又日看得道理熟後只除了這道理是質實法外見世間 有意耳 、日這箇物事要得不難如饑之 數到那裏恰相湊著所以生出聖賢及至生來則若天 事顛倒迷妄耽嗜戀著無一不是戲劇眞不堪著眼也 駁雜如何得齊又問如此則天地生聖賢只是偶然不 不肖宜均何故君子常少小人常多日自是他那物 **退退示**用 一欲食渴之欲飲如救火

學夫子說學而不思則罔思而不學則殆學便是讀讀 滋味若是讀不熟都沒這般滋味而今未說讀得注且 叉日暫只是讀讀多自然曉今即思量得寫在紙 **叉思思了叉讀自 小濟事終非我有只貴乎讀這箇不知如何自然心與氣** 台舒暢發越自是記得牢縱饒熟看過心裏思量過也 讀讀來讀去少間曉不得底自然曉得已曉得者越 子 思想的人 身為究竟法 正經行住坐臥心常在此自然曉得嘗思之讀便是 縱使曉得終是鼿臲不安一 然有意若讀而不思又不知其意味思 产 底

然心與理一 **香只是暗誦所以記得牢故其所引詩句多有錯字如孟** 又云今緣文字印本多人不著心讀漢時諸儒以經相 **今之記得者皆讀之功也** 子所引詩書亦多錯以其無本但記得耳 不是自家人終不 五段須細玩知貴賤淸濁之氣質則知氣不齊知道 里是,才 牢記則不流於空虛熟讀尤要緊澐性極鈍只讀正 活潑潑極有憑據則變滅者不足礙胸中知書當熟 **寶思工夫循環反復果如朱子所言先聖賢決無虛** 一永遠不忘某舊苦記文字不得後來只是讀 田 屬自家使喚若讀得熟又思得精

問敬 Ť 如 養 事 或言靜中常用存養朱子日說得有病 時得又日涵養之則凡非禮勿視聽言動禮儀 一千皆是 と自己は 愈益精明平 何 便 語 都 做 只在 平日涵養之功臨事持守之力涵養持守之人則臨 根本工 静得有事須著應人在世間未有 動靜而言然靜時少動時多恐易得撓亂朱子日 10000 人自勉耳 一夫從這裏積將去若要去討平日涵養幾 日養得根本固善若平日不曾養得臨事 * -Ł 動 無事時節要無 静無時 二百威儀

去静 是自撓倒非所謂敬 便是心都死了 無事吾之 則 賓客去後敬又在這裏岩厭苦賓客而 敬時私 有事 坐敬不是 死也自1 無 一敬未嘗間斷也且如應接賓客敬 欲 事皆是如此程子此段這 B 如此若事 全不萌此固是仁或於物欲中打一 了無事時敬在裏面有事時敬在事 早至暮有許多事不成說事多 3 也故程子說學到專一時方好蓋 盡 静坐時固敬應事接 見即此便是仁之全體否朱 至前而自家卻要主 句 為之心煩此卻 是緊要處 物能免不差 便在 静 亂 澒 覺 然 我 專 悟

錯 民作思為生命、家一 义日若不用躬行只是說得便了則七十子之 | 只才被・ 和根打併了教他盡淨又問敬齋箴曰此是敬之目 **汲去理會這箇身心** 兩日 許多地頭去處 持敬與克已工夫朱子曰敬是涵養操持 靜為主動為客靜如家舍動如道路 是獃無能底 說便盡何用許多年隨著 箇便是難 人叫時自家便隨他去了須於應事接物 人矣恐不然也古人只是日夜皇 到得做事業時只隨自家 孔子不去不然則孔 E 從孔 門

應 他 求若是大底功業便用大聖賢做小底功業便用小底 |所以聖人之教要人只管理會去 也無頓斷都知到盡處了方能知止有定只這一 知止而後有定須是格物知至以後方能如此若未能 人做各隨他分量做出來如何可强 知到盡處方好只是未能如此 格知至只得且隨所知分量而守之否朱子曰物格 日人之所以易得流轉立不定者只是腳根一 得盡則此 如由之果賜之達 事 便知得當止處這箇各隨 A 冉求之藝只此便可以 且隨你知得者只管定 人深淺 從政 不點 固 地 用 扣

得事否慮者思之精審也人之處事於叢冗急遽之際 皆安然不撓安然後能慮今人心中搖漾不定聲還能 静安則靜者廣無所適而不安靜固安動亦安看處甚事 話在人細看之 不錯亂者非安不能聖 一初定靜則定得來久物不能撓處山林亦靜處廛市 **尋仁義禮智是也** 子聖學考略原卷十 [定對動而言初 世間之物無不有理皆須格過古人自幼便識 如今說格物只晨起開目時便有四件在這裏不 入言雖不多推出來便有許多 一是動底方定方不走作 基 如 說 īn

浹治貫 物主敬 等禮數 **其事躬親其禮及其長也只是窮此理因漸及於天地** 家旣知所以孝便將此孝心依古禮而行之事 此敬心依先聖所說古禮而行之一 事君事親之禮 知至而后意誠 蓪 便將此心去體會古人道理循而行之如事親 、陰陽草木鳥獸之理所以用工 可以講習只 鐘鼓鏗鏘之節進退揖遜之儀皆 、第 先 聖 遺 經 自 去 推 究 所 以 要 須是眞知 其胸中了然知得路 了方能誠意知苟未至雖 也易今人皆 須要窮過自 無 便 鬼 此

末 至 督 **知善之當好惡之當** IE **於开国學等女子案** 「 類倒錯 欲將 因指 要誠 不及處皆黑暗無所見雖有不好物事安頓在後面 誠 而知也所以貴格 一路其知所及者 如 燭 但 不好物事來亦沒安頓處自然著他 亂無有是處緣無格物工 知善當好 固然豈可說物未格意便不用誠自始至終意 日 如點 蓋燈用單子蓋住 條 惡然後自然意不得不 惡當惡臨事 一路巡甚明無有差錯 物如佛老之學他非無長處 蠟燭在中間光明洞 則光之所及者固可見光 一夫也問物未格時窟 此 譶 知所不 不得若 誠心不得 達 無處不照 是知 及 處 固

クニ、国追え 或問意者聽命於 心今日欲正其心先誠其意意乃在 見得若實見得自然行得無差 是合有底事但當時時省察其固滯偏勝之私耳 心及心旣正後所謂好惡哀矜與修身齊家中所說者皆 乙先矣朱子曰心字卒難摸索心譬如水水之體本澄 爲風濤不停故水亦搖動必須風濤既息然後水之體 物常在目前可見也只是常存此心知得有這箇道 日顧諟天之明命古註云常目在之說得極好非謂 人之無狀污穢皆在意之不誠必須去此然後能正其 昧方其静坐未接物此理固湛然清明及其遇事 田一分分 Ξ 湛 理 右

為聖賢可學如菽粟必飽布帛必烩自然不為外物所誘 是教人水放心聖賢教人其要處皆一 略也相似只是所指 林安卿問眞知之知與 心只常存此心便是存養既久自然信向決知堯舜 八之則是理愈明雖欲忘之而不可得矣孟子所謂: 見るらうな 理亦隨處發見只要人常提撕省察念念不忘存 有所覺悟曉得道理是如此人只有兩般心 一如何會信如何能必行又日千書萬書 / /341 1 同眞知是知得眞箇如此覺是忽 人而後有覺之覺同否朱子日 一茍通得

得不是底心做主莫要放失更那別討箇心來喚做是底 心便是客便將這箇做主去治那箇客便常守定這箇 箇 是 是 底 心 分三里具才 **峄心去治那不是底心知得不是底心便是主那不 底心只這知得不是底心便是是底心便將這知得不是** 禮底心便莫要視 如非禮勿視聽言動只才知得這箇是非禮底心此便 皆朱子親厯過來的故道得有滋味如此學者須將 前六段主敬主靜親切要妙皆有奧義全在敬不問 隨物轉後八段言知止言定言格物言存養言主 四元 一箇是不是底心只是才是得這知箇一 뒫 是底 斷 知 N)

all at midely dissin / nes 1 光明 獸無別當有竦然汗下者矣朱子敎人要存得此心 心 何 隨物時如何隨物時如何靜時如何 子格 不遵朱子用功便身心無 王者全不研 能格物能存養有主心是如何不格物不存養無 是如何覺 **不昧無** 反之身心驗得知止定是如何不知止不定是 得 事有事常是湛然如此的確切實而 反之身心驗得 、此等處直謂朱子本體不虛宗朱子 不遵朱子用功便蒙罔 下落則自有不能已 敬時 如何 不静時 Ē 生與草 如何覺 直矣え 如 宗陸 何 如 理

分一里写者 博之 知無 元問 用 子專重身心隨力致用之教千載可見矣豈有讫求 脢 不知朱子立教原不求備 於陽明之攻擊 反大聲疾呼以 病 致隨器力學無責人 何謂妙眾理朱子日大凡道理皆 得所謂知者便只是知得我底道理非是以我 何能挽其萬 不能立教爲病特著拔本塞源論從其教者 平 田 光 為此是朱子正脈嗚呼朱子聖學 再晦於後儒之講說不有違識特 哉中間若不用躬行一 / 求備之說陽明以朱子 只隨分量做讀此段 是我自有之物 畫 段尤見體 則 附 無 起

此若天使之然每常思量著極好笑自那原頭來便如此 之為家長者便用愛一 身分成兩箇其思愛相屬自有不期然而然者其他大 又如父所以慈子所以孝蓋父子本同 主腦人民土地皆屬他管他自是用仁愛試以一 皆然皆天理使之如此豈容强為哉且以仁言之只天 兄問莫不有以知夫所以然之故與其所當然之則朱 理何從見所以謂之妙眾 |所以然之故即是這上面| 里表 与人一人多二 被道理也道理固本有用知方發得出來若無知 一家之人惜一家之物自是理合如 理 層如君所以仁蓋君是

隱義屬金是天地自然有箇淸峻剛烈之氣所以人稟得 有箇仁愛溫和之理如此所以發之於用自然慈祥 生這 萌芽初間僅 萬狀便可見他生生之意非仁愛何以如此緣他, 箇 物時便有箇仁 **春夏秋冬金木水火土** 如此 然有羞惡之心禮智皆然蓋自本 針許少間漸漸生長以至枝葉花實 而 屬木看春間天地發生藹然和 人未始不為天朱子日天即 他 也 只知生 故賦於人物便有箇仁 而 從他原頭 氣

天人之始生得於天也旣生此人則天又在人矣凡語 叉日只是這 教光明燦爛照在目前 動作視聽皆天也只今說話天便在這裏顧諟是常要看 **謂林安卿日論敬自是徹頭徹尾要底如公昨夜之說** 心也成於樂成此心也 一發動方用克則未發時不成只在這裏打瞌睡懵懂等 不可犯始得 私欲來時旋捉來克如此得否又曰若待發見而後克 亦晚乎發時 固是用克末發時 也須致其精明如烈火 心更無他說與於詩與此心也立於禮立

害方敵得去不被他恐動岩無氣魄便做 文擬說浩然之氣朱子曰不須多言這只是箇有氣 他求只在自家知言集義 魄而 動心人若能不動心何事不 兩事合義 心 禍 纏 必也狂狷 福利害易得 恐動只是如此他本只是答公孫丑 已人若有氣魄方做得事 來纏去說 便謂 乎看來這道 子晚年方得箇曾 可以掩襲於外而得之子曰 出許多發氣知言集義其實只是簡 此氣自然發生)理須是剛硬立得腳住方 可爲然所謂 **下成於世** 人衰竭怯懾 於 間 中不是只 不動心不在 澗 於

此 知顔子乃是大勇乃是他剛果得來細密不發露如有 利害得喪不足以動其心方能立得腳住若不如此都靠 成學聖人之道者須是有膽志其決烈勇猛於世間 岩慈善柔弱底終不濟事如曾子為 不得況當世衰道微之時尤用硬著脊梁無所屈撓方得 **子思亦是如此如云摽使者出誻大門之外又云以德** 于事我者也奚可以與我友孟子亦是如此所以皆 不在他求又日今人多將顏子做箇柔善廃人看殊了 孟 子。但是学多世代第二十 子此諸聖賢都是如此剛果決烈方能傳道這道 一夫只在自反常直仰不愧天俯 人語 不作 孟 E 中諸語 (則自 然如 做 理 則

忘勿助長卻似賸語卻被這三句撐住夾持得不活轉 氣力底人都不使出只是無人抵得他孟子則攘臂扼腕 顏子聖人也 孔子則渾然無迹顏子則微有迹孟子其迹盡見然學者 分二, 里區之田 一, 完十 叉日必有事焉只消此一 則須自麤以入細須見剛硬有所卓立然後漸漸加工如 盡發於外論其氣象則孟子麤似顔子顔子較小如孔 便在這裏點著便動只此便是天命流行處便是天命 在然活轉自在人卻因此三句而生只是纜喚醒這物 謂性率性之謂道便是仁義之心便是惟皇 句這事都了下面而勿正心勿

Ė 水分明在這裏觸著便應通書中元亨誠之通利貞誠 在這裏或日吾儒所以與佛氏異者吾儒則有條理有 佛氏則無此爾曰吾儒見得箇道理如此了又要事 自然虛靜純一不待更去求虛靜不待體認只喚著 顧諟謂安卿以下 德元以下四段皆從自家身心道理直遡到天命源 此佛氏則說便如此做也不妨其失正在此 章便是這意思見得這箇物事了動也如此靜也如 县是 民謝氏所謂活潑廢地只是這些子更不待想像 (生只此心此理即是天命安可不了然安可 £7.8€ / 65. 1 三段正見克己集義便是天命之性 進 頣 便

分一 马鸟老 明 卷一 此矣 以即心即天朱子自心合天與敎人合天之說具見於 用功處全在剛果決烈方立得腳住天行健人不剛果 天地之心虛靜純一 且常發常應常靜常一無有息時朱子之心到此時即 利貞道理充塞盈滿無一 常在這裏朱子實見得天地之心虛靜純一只是元亨 無有息時則是朱子之心與天地之心通一 毫聲臭觸著便發感著便應且常發常應常靜常 安能合得健德惟其剛果決烈卻是虛靜純 只是仁義禮智道理充塞盈滿 毫聲臭觸著便發威著便應 無二 一也其 所 無

大子 图整写图图象上 造聖域之金針也正嘉後學者不過靜虛得力何曾透 觸著便應多少受用快活此理自周程張四夫子發揮 透徹見得這箇物事在這裏動也如此靜也如此實是 郭 子天人生死合一都在於此正指示大路與人偕行其 治所謂天命流行性道仁義降 衷活廢果然只在這 然秩然肅然截然了然之性天地生成萬物是如此 徹此理源頭此孔孟大宗斷斷屬朱子無疑矣 出來尙是渾含至朱子始分晰極其明白統會極其融 心統御萬物亦如此原非二 兄問段必有事段讀者尤當著眼細細理會只此藹 物只要理會得透徹果能 4 此

語無序而不能有所為也易日艮其輔言有序悔亡聖 買誼胸次終是鬧著事不得有些子在心中盡要迸出 偉只是言語急迫失進言之序看有甚事都一 **之意可見矣** 去所以所為皆卓然有成這樣人方是有定力會做事如 如韓信鄧禹諸葛孔明輩無不有一 絳灌之徒不說而文帝謙讓未遑也看他會做事人便別 又日君子之言豈可妄發某嘗說買誼固有才文章亦雄 、管跳躑爆趠不已如乘生駒相似制御他未下所以言 此段論前賢定力深藏處極 有味當珍玩 定之規模漸漸做將 齊說了宜

時節夜間則停留得在那裏如水之流夜間則閘得許多 問夜氣一 鮮水涸則魚病養得這氣則仁義之心亦好氣少則仁義 敬子問旦畫不梏亡則養得夜氣淸明朱子曰不是鄭氣 水住在這裏這一 為主蓋要此氣去養那仁義之心如水之養魚水多則魚 聚得在那裏不曾耗散所以養得那良心且如日間目視 **尺子里基号格/金十** 耳聽口裏說話手足運動若不曾操存得無非是耗散底 只是日間生底為物欲梏之隨手叉耗散了夜間生底 乙心亦微矣 章朱子円氣只是這箇氣日裏也生夜間也生 **池水便滿次日叉放乾了到夜裏叉聚** 产 則

便是那· 勝其旦畫之格亡少問這氣都乾耗了便不足以 有親不然便是 非如公說心不存與氣不足是此氣不足以存仁義 些小若從 存心養性以事天朱子日天敎你父子有親你便用 心如船閤在乾燥處轉動不得了叉日 見える 一若日間不存得此心夜問雖聚得些小又不 云夜氣所存良知良能也這存字是箇保養衛 此章不消論其他 平旦起時 H 1 天問如 便接續操存而不放 何是 要緊處則在操則存上 天者理之所從出日 夜 則 氣

密耳太虛便是這四者之總體而不雜乎四者而言由氣 問由太虚云云朱子日本只是一 惻隱之心學者曰出於自然龜山曰安得自然如此若體 得箇血脈相牵連要自子細看龜 化有道之名氣化是那陰陽造化寒暑晝夜雨露霜雪山 究此理知其所從來則仁之道不遠矣便是此說 氣化說雖雜氣化而實不雜乎太虛未說到人物各具當 之 木石金水火土皆是只這箇便是那太虛只是便雜 戶是學等各門家門 不惑知天命便是知天知性之說否曰然他那裏自看 理處問太虛便是太極圖上 一箇太虛漸漸細分說得 山問學者曰人何故有 面底圓圈氣化便是圓 2

覺方運用得這道理所以横渠說人能引道是心能盡性 非道引人是性不知檢心又邵子曰心者性之郛郭此等 覺又是那氣之虛靈底聰明視聽作為運用皆是有這 道理便隨在裏面無此氣道理無安頓處如水中月須是 圈 草木底知覺不如鳥獸又如大黃喫蓍便瀉附子喫蓍 通塞草木亦有知覺否曰亦有周茂叔牕前草不除去云 語皆秦漢以下人道不到又問人 有此水方映得那天上月若無此水終無此月也心之 與自家意思一 裏陰靜陽動否日然又日合虛與氣有性之名有這氣 耳片木 般便是有知覺只是鳥獸底知覺不如 是一 八與鳥獸固有知覺但有 皇

有如火燒成灰將來泡湯也檢苦因笑曰頃信州諸公正 然是他知覺只從這一 發又是甚麽物事躍在目前須是聳起這心與他看敎此 處不容說然雖不說只才挑動那頭時那箇物事自跌落 **說草木無性今夜叉說草木無心矣** 心精一無些子夾雜方見他那精微妙處又日道理散在 又日君子引而不發躍如也須知得引憶甚麼怎生地不 CAL THE TELESPECT CALL 天下事物之間聖賢也不是不 說也全說不得自是那妙 這物事了須是精一 在面前如張弓滿而不發箭雖不發箭已知得冥箇是中 其心無些子他慮夾雜方看得出 路去叉間腐敗之物亦有否日亦

道理此便是形而上之道所謂格物便是要就這形而下 獸此皆形而下之器然這形而 下之器之中便各自有簡 性便是如此說我這箇會說話底會作用底呌著便應底 用若運得搬得不是如何是神通妙用佛家所謂作用 飲食作息者是道則不可與龎居士神通妙用運水搬柴 之器窮得那形而上之道理如何便將形而下之器作形 分可里图表明《卷十 而上之道理得其所以飲食作息者皆道之所在若便謂 楊通老問中庸或問引楊氏所 謂無適非道云云朱子曰 上是天下是地中間有許多日月星辰山川草木人物禽 般亦是此病須是運得水搬得柴是方是神通妙

今都是和這下面一 他佛家者雖是無道理然他卻一生受用一生快活便是 問告子之學便是如此日佛家底又高告子底死殺了不 諸人面門上出入三云他便是只認得這箇把來作弄或 **簡道理方是道禪老云赤肉團上有一無位眞人在汝等** 看來須是先曉得這一層卻去理會那上 **都無快活和樂底意思便是和這佛家底也不曾見得似** 如佛家底話而今學者就故紙上理會也解說得去只是 是神通妙用更不問道理如何儒家須是就這上尋討 就這形而下者之中理會得似那形而上者而今學者 コミスニシアト 2 層也不會見得所以和那上面一 面 層方好而

學似沒緊要物事然那許多道理便都在這上都從那 離者謂道也若以舉止動作便是道則無適| 緊要底物事也有這箇道理蓋天命之性這道理卻無形 所以須是依道而行如 無安頓處只那日用事物上道理便在上面這兩箇元不 也理會不得又曰天地中間物物 頭上來所以無精麤小大都一齊用理會過蓋非外物 相離凡有一物便有一理所以君子貴博學於文看來博 非道君子何用恐懼戒謹何用更學道爲爲其不可 齊理會方周徧無疎漏又曰道不可須臾離所謂不 了聖學之既一着 人說話不成便以說話者爲 上有這箇道理雖至沒 酓 而非道無 也

是有箇仁 **舊是物其視之明聽之聰方是則也** 便指物做則只就這物上分精麤為物則如云目物也 生烝民有物有則所謂道者如此何嘗說物便是則龜 那形而上之道便見得這箇元不相離所以只說格物天 則似懸空無捉摸處說格物只就那形而下之器上便尋 **朱子聖學考略**《卷十 之視乃則也耳物也耳之聽乃則也殊不知目視耳聽依 可離得又日大學所以說格物卻不說窮理蓋說窮 以心氣原不分爲二 敬子以下六段教人養得此氣方養得住仁義之心蓋 禮智始得若便以舉止動作為道何用更說 一亦不混為一 知其不混為一 銓 理

知下落了 志 言語形容者雖然猶必其似形而上者也從太極 氣是如何氣養心是如何一 其準然是 養氣時非氣無以涵渺妙之志其相依之妙直有不可 呼微矣微矣澐非知巀氣者但數十年來循朱子之訓 氣質有相依之妙始立志時非志 而體驗之稍有端緒焉其始也知主敬補小學不知立 行之居敬窮理積之數年此志稍定此氣稍宣覺得志 及知立志時此志甚微若存若亡若有若無茫然不 |文從事於端莊疑定以收斂之隨事體察而力 此須反身體驗心是如何氣是 Ź 勘驗明白方有得力嗚 無以御奔逸之氣 如何心宰

燦然之性理會根原來歷模樣的的確確是如此積月 歇手也麽之困窮無可歇手也極之生死無可歇手也 否因編聖學考至此并記之以明朱子揭採源立本之 此澐從朱子遵編蕁味採討用力梗概有如此未知 融之會庶幾其有合也然又極微全在保養護衞之功 累歲驗之又驗到得常常一毫雜念不生只有天理昭 不稍間斷仍從居敬窮理循循做去其積之歲紀無可 實體驗於身心必反之一 會便謂有得也即此氣象是朱子所謂仁義禮智渾然 之時乃恍然日此其形而上者乎然又不可以暫時領 毫雜念不生只有天理昭融

忽又更用謹這箇卻是喚起說戒懼無簡起頭處只是普 中間又遺了兩頭不用如此說只是無時不戒蓮恐懼只 理偪塞都是無時而不戒謹恐懼到得隱微之間人所易 用之問戒懼不睹不聞是起頭處至莫見乎隱莫顯乎微 朱子聖學考略《卷十 若說是起頭叉遺了尾頭說是尾頭叉遺了起頭若說屬 叉用緊一 1做工夫便自見得曾 都用如桌子有四箇角頭一齊用著工夫更無空缺處 草略過也 **巨以垂訓後世者如此切實有可依據做工** 一緊朱子日不可如此說戒謹恐懼是背說這道 | 戰戰兢兢如臨深淵如 枀

達夫鬼神也體物而不可遵用拽轉看將鬼神做主將物 說倒了乃是有這鬼神了方有此物及有此物了叉不能 問體物而不可遺是有此物便有鬼神凡天下萬物萬事 驗字莫亦有呂楊之失否朱子日他只是要於平日知得 卻云默坐澄心以驗夫喜怒哀樂未發之前氣象為如何 問呂氏所謂執楊氏所謂驗所謂體或問辨之已詳延平 **氷不成到臨死時方如此戰戰兢兢他是一生戰戰兢兢 长子聖學与各門能力** 皆不能外夫鬼神否朱子日不是有此物時便有此鬼神 到死時方了 這箇叉不是昏昏地都不管他

忠恕忠是敦那恕底恕是流出那忠來底如中和中是大 與馬聖人做出許多文章制度禮樂顯來倒去都只是這 德敦化和是小德川旒自古亘今都只是這一箇道理天 又曰大徳是敦那化底小德是流出那敦化底來這便如 叉囝皷耆物之終始來處是誠去處亦是誠誠則有物不 做賓方看得出是鬼神去體那物鬼神卻是主 只是這一箇道理人若是理會得那嫄頭只是這一 **高地下萬物散殊而禮制行矣流而不息合同而化而樂** 誠則無物 グニ・直通・ネ **箇道理做出來以至聖人所以為聖賢人所以為賢旨** H 4 一箇份

德事朱子臼若有一毫不實如捕風捉影更無下 問本義云忠信主於心者無 淲 與聖人都一 問無非教也都是道理在上 **德事禮卑居業事** 何由進叉問居業如何實曰日日如此從生至死常如 許多頭項卻有歸 行雖至麤底物無非是道理 發見天地與聖人皆然 天道至教聖人至德一 一夫無頃刻不相似又日知崇禮卑亦是 般精底都從那麤底上發見道理都從氣 蓍 段與孔子予欲無言 一面發見朱子自然因引禮 念之不 實恐是成德 八此意知崇進 段天地 一處德 記

これはまでいるとう

他做得出來須差異康節甚喜張子房問不知其眞箇用 之若不是養得至靜之極如何見得道理如此精明只是 分了里學表明一種十 王勝之常乘月訪之必見其燈下正標危坐雖夜深亦如 看得天下事理精明嘗於百原深山中開書齋獨處其中 叉日至之謂神以其伸也反之爲鬼以其歸也人死便是 不會枉用了心他用那心時都在緊要上用被祂靜極了 氣須處置得精明他氣質本來清明又養得來純厚又 日邵康節看這人須極會處置事被他神閑氣定不動 **祖考來格便是伸**

或問近見廖子晦言今年見先生問延平先生靜坐之說 然是靜今人都是討靜坐以省事則不可嘗見李先生說 道理自不妨只是討要靜坐則不可理會得道理明透自 **曹見羅先生說春秋頗覺不甚好不知到羅浮靜極後又** 先生頗不以爲然不知如何朱子曰這事難說靜坐理會 如 理會得如何某心常疑之以今觀之是如此蓋心下熱鬧 敬子舉先生所謂傳命之脈及佛氏傳心傳髓之說朱子 理始出道理旣出而心下愈明靜矣 朱子聖學考略「卷十 便是要自家意思與他爲一若心不在上面書自書人 何看得道理出所謂靜坐只是打疊得心下無事則道 兊

這志縱血氣衰極也不由他如某而今如此老病衰極非 更初目便睡不著了雖欲勉强睡然此心已自是箇起來 叉日人之血氣固有强弱然志氣則無時而衰荷常持得 被血氣奪凡為血氣所移者皆是自棄自暴之人耳 底人不肯就枕了以此知人若能持得這箇志氣定不會 欲引去事已卻悔如何朱子日此便是無克己工夫這樣 知毎日且放晚起以養病但自是心裏不穩只交到五 人如何看得 極要與他掃除打疊方得如一 尋常遇事時也知此爲天理彼爲人欲及做時乃爲人 出 | 條大路又有一條小路

明知合行大路然小路面前有箇物引著自家不知不覺 問色容莊持久甚難朱子曰非用功於外也心肅而容莊 須明理以先之勇猛以行之若上智聖人不用著力若賢 力無一時一刻不照管克治始得曾子日仁以爲己任不 人欲交戰之機須是遇事時便與克下不得苟且放過 行從小路去及至前面荆棘蕪穢又卻生悔此便是天理 / 賁質先也用分別教是而後行之若是中人須大段著 薄氷而今而後吾知免夫直是恁地用方得 重乎死而後已不亦遠乎叉日戰戰兢兢如臨深淵如 コニュン とうとう しんじょ 下許多道理則此身四支耳目更無安頓

道理固是天下事無不當理會只是有先後緩急之序須 諸葛孔明甚麽樣端嚴公惭中一般學是學爲英雄之學 會起舉止動步事事有箇道理一毫不然便是欠脶了他 處日然古人嘗言之非禮則耳目手足無所措 先立其本方以次推及其餘今公們學都倒了緩其所急 務跅弛豪縱全不點檢身心某這裏須是事事從心上理 **怎生治人古時英雄豪傑不如此張子房不問著他不說** 叉日今公掀然有飛揚之心以爲治國平天下如指諸掌 先其所後少間使得這身心飛揚悠遠全無收拾處而今 不知自家一箇身心都安頓未有下落如何說功名事業

不得 得遠少間會失心去不可不覺 叉曰某平生不會頗雖甚病亦一心欲向前做事自是頗 **长产但学些格只能**十 人不知學底他心雖放猶放至近今公雖日 康節八段言邵子延平之靜言自己之持志言這裏事 是不已的事而天地之教神伸鬼歸皆此理也又日邵 神言誠源頭只一箇物事也問本義三段言進德居業 用之以下二段言戒懼操存之功也問體物三段言鬼 **箇起頭處只是曹編都用者合下便當戒懼只緣工** 從心上理會皆心行也切要處尤當著眼其日戒懼無 生 1知為學卻放

という 単三番 河 與無物同來處是誠人所同也去處則散亂渺花雖 舍亡又以雖不誠未便是禽獸豈知一有不誠則有 物者尤喫緊指點學者亦知當誠只為不能長久故至 提 如無豈不大可悲痛其日日日如此從生至死無頃刻 不相似者從忠信深入體驗本來明德分曉所進在 撕乎其日來處是誠去處是誠誠則有物不誠則無 斷接續故有起頭處若實用功者見得心體如此 關係重大又知得心體本光明本端凝烏得不刻刻 則戒懼工夫亦當如此流行戒懼一 馬馬利 鬆心體便放知 物

長子皇皇与各三会十 毫雜念明得性體本是萬物皆備方還天地完全本 其中有無窮滋味是自家廣居不可一日離者若離 本不可著一物污染方覺天地潔清本性何處容得 朱子力防討靜一路煞有深心玩程子敬則自虛靜不 會道理明透自是靜者從來靜之一字最難著手所以 久之病惟朱子理明自靜之說為更的確若明得性體 輕了不知道之浩浩無從下手惟立誠纔有可居之地 可把虛靜當做敬之言則知靜從敬顯然或有難以持 步便屬舍亡便屬游魂可懼可衰猛省猛省其日理 念誠實這就是明德呈露愈精進愈廣大終身游息 坐

グニ・理覧 オ 番 這志縱血氣衰極也不由他者從來持志工夫須有幾 不屈試以大疾病此志不屈此三種境人所必有無本 及守不定安可不痛加策勵上負聖賢自虧天性到極 領者逐境苦惱此志昏弱可惜可惜惟有本領者歷 便至銷阻惟試以大困窮此志不屈試以大拂逆此志 功則不期靜 之生死便難著力措手不及了枉生可痛讀朱子之言 鍛煉僅安常處順信以爲然者恐恃不得一 强能勝得他方是得力此中消息只可自喻若信不 関ランタ 一毫虧欠合程朱之言從敬明二字著實用 而自靜不走入虛寂一路矣其日常持得 經 折 挫 麽

朱子從心實處用力此爲殊途耳且細玩朱子此數語 從心上理會歷數十年如 皆在見聞上又日晚年方用力於根本豈知朱子事事 步皆有道理者此旨極微密宗陽明者漫言朱子工 以全始全終也其日某這裏事事從心上理會舉止 直是天道之行健不息人事之守死善道都是 中流出自有心管身身依心形性煇融 便見歩子小心翼翼如臨淵谷氣象一 注也願學者詳味之 驗自家身心有得不能知朱子徹表徹裏總此道理灌 日但陽明從心空處著力 切道理都自胸 呈 致之妙非體 理所 夫 動

等思量這 **做從生至死忽然無得而已有謹飭不妄作者亦資稟如** 留有所用逐日流蕩放逐如無家之人悠悠漾漾似做 捨所以無有不得之理今公等學道安得似他此心元 クニョルオ 此其心亦 子因 門路以之推他道理也只 如此沒世不濟事若眞箇看得這 那得 言及釋氏而日釋子之心卻有用 道理直是思量得徹底透熟無 無所用只是開慢過日若是汲汲用功底人 一夫說開語精專懇切無一 件道理到半間 TO A 不界便掉 般公等毎日 時一 件道 了少間又看 處朝夕汲 息不在裏許 毫不盡个公 運透 只在門外 汲 那

藏 起思量這 發悵然如有所失不尋得則不休如自家有 未似如今說得如此條暢古今諸家說盡用記取閑時 叉臼某舊時看文字極難諸 如何所以非者是如何只管思量少問這正當道理自然 不是那字是那家說得全是那家說得全非所以是者 **办須如此** 被人偷去此心肯放捨否定是追尋得了方休做工 都 コニュニ シテスコ 無入頭處不 在心目 家說得那字是那字不是那 Ř 間如指諸掌今公們紐捏把攬來說 濟事又日學道做工 家說盡 用記且 如毛 家說得那字 大光明寳 詩那時 厲 將

又日濂溪二 好个學者所以不得力只是不熟 說優游和緩只是泛泛而已這箇做工夫須是放大火 屬自家使在濟得甚事須是縱橫舒卷皆由自家使得方 得那優游和緩須是做得八分九分成了方使得而今 **朱子里學老冊**着十 記得不熟所以這道理收拾他不住自家也使他不動敬 不同日而 煉熔成汁瀉成鋌方得今只略略火上熁全然生 ·云而今毎日只優游和緩分外看幾編讀幾編意思覺 重看得寬緩無力者只是心念不整肅所以如此緣 **今使不得優游和緩須是苦心竭力下工夫方 一程橫渠們說話無不斬截有力語句自是** 걠 便

念不整肅所以意思寬緩都湊泊那意思不著說從別處 問學者日今公在此坐是主靜是窮理久之未對日便是 叉曰讀書之法只要落窠槽今公們讀書盡不曾落得那 夫子亦云造次必於是顯沛必於是須是如此做工夫方 面截然有界限始得 **有長進之理佛者日十二時中除了著衣喫飯是別用心** 公不曾做工夫若不是主靜便是窮理只有此二者旣不 **窠槽只是走向外去思量所以都說差去 云須是心念整肅看教他意思嚴緊說出來有力四方八** 王靜又不窮理便是心無所用閉坐而已如此做工夫豈 THE RES CALL LIVE W/ AUG.

纬于 聖學考 唯一着十

得公等每日只是閉用心問開事說閑話底時節多問 是無閍工夫說閑話問閉事聖人言語有幾多緊要大節 要事究竟自已底事時節少若是真箇做工夫底人他自 目尤緊要

此雖於本文說得大過然卻如此須於此處常常照管得 又日不待接事時方流入於私欲只那未接物時此心已 ,便不至於流上蔡解爲人謀而不忠云爲人謀而忠 「流了須是未接物時也常剔抉此心敎他分明少間接 臨事而謀平居靜慮思所以處人者一有不盡則非忠

散殊而禮 光明寶藏不會收得卻上 於 事所 **产**但學皆格 東 問左 左傳所謂棄卻甜 何故說箇 只看聖人所說無不是這箇大本如云天高地下萬 只守得塊然底虛靜雖 西 謂 傳 南 虚静者 疑 北 制 行矣流 玲瓏 萬物之大本 天命之謂性率性之 義朱子曰公不求之六經語孟之中而 一卷一 須 透徹虛明顯 桃 而不息合同 是將那黑 樹 他人門上 稼 /根萬化皆從 摘 觩 虚 底 謂道修 而 醋 一静裏面黑 打開成箇 如此方唌做虛 教 梨天所賦於我者 化 而 此出 道之謂教 樂與焉不然子 Ķ 白底教 漫漫 兩錢豈不哀 地 静 濟 此 他 能 用 如 功

瑣瑣不足道矣叉曰毎日開眼便見這 人須是於大原本上看得透自然心胸開闊見世間事皆 **說到甚處想盆卑矣宜為陸子靜所笑也子靜底甚高** 得甚事伯恭不信後來又說到漢書若使其在不知今又 **六經許多道理不說恰說這箇縱那上有些零碎道理濟** 求某向嘗見呂伯菾愛與學者說左傳某嘗戒之日語孟 察得方見得聖賢所說道理皆從自 ラニュ 下面空疎無物事承當伯恭底甚低如何得似他又 智以耀著腳指頭便是這四箇字若看得熟於世間 然若決江河而下莫之能禦矣若看得道理透 H 7 己胸襟流出不假 四箇字在面前仁 他

齊事 流行見天下事無大無小無一 或見得二 CAL THE SEP COPE TO AKE 此方見得這箇道理渾淪周遍不偏枯方見得所謂天 云無一 朱子因言以下八段皆是教人做工夫步步著緊者如 **云正當道理光明燦爛在心目間如指諸掌叉云須是** 調性底全體令人只是隨所見而言或見得一 一沈倜錄 時 |分都不曾見那全體不曾到那極處所以不 刻不在裏許奮勵警發悵然如有所失又 字 名 句 點 物不是此理之發見 畫不是道理之 7

东字 聖學者 單一 着十 字字句句各有指歸絕非向外用心也至末段直是朱 心念整肅看教他意思嚴緊說出來有力又云讀書之 胸中隨所寓目即是道理流行於行間絕無語言文字 盛發見當其可地位一切經書中文義道理總在朱子 子自寫胸中道理非深體味之不能見蓋朱子是時道 功入微處學者當依此體驗乃知朱子一片婆心流露 之迹一切天壤間名物道理總在朱子胸中隨所處觸 德純熟滿腔于都是道理充足如天下至聖充積極其 **法要落窠槽又云常剔抉此心教他分明此數條是用** 即是道理流行於事物絕非形象方名之麤所以然

神今之廟魏亦謂之神亦以方伸之氣爲言爾此處要錯 にとし、日にはいるラダロマンジュー 叉日横渠言至之謂神反之謂鬼固是然雷風山澤亦有 有如是精廳 此宗朱子者亦不研究到此紛紛口舌何能損益聖學 都在道理中也孟子而後惟周程張朱到得此境自朱 物總是 之萬一哉 子後並無一 所謂天性實實在這裏無所不包故即心即經書卽事 惟朱子見那本體到完全極至處大學所謂至善中肩 **箇道理流布洋溢無有內外無有彼此渾身** 人見到此學到此者不失偏空便失魔雜 **致渾然無迹者乎攻朱子耆不研究到** ä

理會纖悉委曲處也要理會制度文為處也要理會古今 箇事須是四方上下小大本末一 面 綜周徧而觀之伸中有屈屈中有 下須見得既見得 ン、 国民 河田 **育過其操存踐履處固是緊要不可間斷道理大原固是** | 亂處也要理會精麤大小無不當理會四邊| 前小小文義尙如此理會不透 夫無些罅漏東邊不見得西邊須見得這下見不得那 人有魄是也屈中有伸如鬼有靈是也 [某煞有話要與諸公說只是覺次序未到而今只是 伸便看此意伸中有 齊貫穿在這裏一 如何說得到其他事這 可類推而今只從 齊合起 齊理

意思這物事須教看得精透後一 泛在皮毛上理會都不會抓著 那癢處濟得甚事做工夫 工夫某常說正是出去路上好做工 只是心不在不曾著心如何 子覺得今年只似去年前日只似今日都無昌大發越底 支腳也須分布擺陣如大軍厮殺相似大軍在此坐以鎮 因 |建陽士人來請問朱子日公們如此做工夫大故費日 似穿并相似穿到水處自然流出來不住而今都乾燥 游軍依舊去別處邀截須如此作工夫方得 ķ **說道出去一日便不曾做得** 日千里始得而今只泛 4 箇地頭

字也須時時提撕經正文在心心爭似而今都只在那皮 時習到時習自然說也如今不敢說時習須看得見那物 子只在地面上不曾入地裹去都不曾與土氣相接著 **箇道理入心不忘了然後時時以義理澆灌之而今這種** 動不得自家腳才動自然踏著那物事行叉云須是得這 看才起去便都忘了須是心心念念在上便記不得細注 事方能時習如今都看不見只是不會人心所以在應下 無家事炒又無應接人客正好提撕思量道理所以學貴 分子聖昌老明一名十 毛上理會不曾抓著癢處若看得那物事熟時少間自己 以上不知何氏錄玩語意與沈氏錄同故附之 輔

於魏之諸王遂使人監守雖飮食亦皆禁制更存活不得 及至晉懲其弊諸王各使之典大藩總强兵相屠相戮馴 其為害豈有涯哉且以漢諸王觀之其荒縱淫虐如此豈 因論封建日此亦難行使膏梁之子弟不學而居士民上 こと 日日日 とう久日 一分一 可以治民故主父偃勸武帝分王子弟而使吏治其國故 横渠一 不及民所以後來諸王也都善弱蓋漸染使然積而 也朱子如此教人猶謂專於訓詁豈其然哉 **寶書處處有把柄這物事非他卽至善卽天命卽太極** 言存心讀書極入微全要看見這物事由是存心窮婬 一段言鬼神屈伸之理一段三段言窮理猛該活 仲約以郡無兵財遂開門犒之使去富鄭公開之大怒欲 朝廷而州縣益虛所以後來之變天下瓦解由州郡無兵 之患只是州縣之權太輕卒有變故更支撐不住僩因舉 晉之禍亂恐皆是無古人教養之法故爾日那箇雖教無 般名色錢可以贍養及王介甫作相凡州郡兵財皆括歸 致大亂僴云監防太密則有魏之傷 旭宗官制讼革中說祖宗時州 郡禁兵之額極多又有諸 〈奈得他何或言今之守令亦善日卻無前代尾大不掉 議行破州屠縣無如之何淮南盜王倫破高郵郡守晁 財故也日只祖宗時州郡已自輕了如仁宗朝京西臺 **里唇不明一** 恩若寬去繩勒又有

時州郡已如此虛弱了如何盡責得介甫錄今附 留五百名之衣糧并二季衣賜之物令轉運使掌之而盡 **談守臣日豈有任千里之寄不能拒賊而反賂之范文正** 禁兵額某到時纔有一 歸於朝廷如此煞得錢不可勝計又云也怪不得州郡欲 應變以全一城之生靈亦可矣豈可反以爲罪耶然則彼 添兵誠無糧食給之其勢多招不得某守南康舊有千: **介甫只是刮刷太甚凡州郡禁兵闕額盡令勿塡補且** 公争之日州郡無兵無財俾之將有捍拒今守臣能權宜 州有千人禁軍額闕五百人則本郡不得招填每歲 京る 公下て三里/からった 八而已然歲已自關供給本軍 Ź 卓 如

禁不得已出榜令民先將早米來納亦謂之租米俟冬則 **林子聖學者,服**《卷十 折除其租米亦當大米之數如此猶贈不給壽皇數數有 討糧食處又行下云便不及千人亦須招填五百人雖 有煩擾之弊又事體重大阻格處多決然難行要之 揮下來必欲招滿千人之額某申去云不難於招只是 日居今之世若欲盡除今法行古之政則未見其利 加糧之屬 有租米四萬六千石以三萬九千來上 如此然終無得錢糧處只得如此挨過日子而 [僅得贍] 又盡則預於民間借支方借之時早穀方 三月之糧三月之外便用別擘畫措置 一供所餘 如 तित्

祖宗之 問為政更張之初莫亦須稍嚴以整齊之否朱子曰此事 鑑其論亦如此以為因今郡縣足以為治某少時常鄙之 彭仲剛 殿者多半是自家不曉又慮人欺已逐將大拍頭去拍他 曉得依那事分寸而施以應之人自然畏服今人往往過 難斷定說在人如何處置然亦何消要過於嚴合所難者 尺子追导多处人统一 /為荷簡因循之論以今觀之信然 雜得曉事底人若曉事底人厯練多事纔至面前他 畏服若自見得何消過嚴便是這事難 法而精擇其人亦足以治只是要擇人范涥夫唐 子復作台州臨海縣理會役法甚善朝廷措置役 Ī 都

隨其道里遠近分割稗補令其恰好人甚便之或日恐致 令之所得為然使民宜之亦終不得而變也又有所在 極 在紹與有人訴不肯為保長少間卻計會情願做保長某 於為保正 卿富家少狹鄉富家靳靳自足一 甚嘉之以爲捨易而就難及詢之土人乃云保 八怨日不怨蓋其公心素有以信於民民自樂之雖 /富家卻中分富家以昇兩鄉令其均平其有不均處則 看 可憐憫彭計一縣有幾鄉鄉有闊狹某鄉多富家某鄉 如 旦旦才 何措置終是不公且如鄉有寬狹寬鄉富家多狹 |而不利於爲保長者蓋保長催稅其擾極多某 田一分 被應役無不破家蕩産 I 非法 利

♣ 俵由 苦之恣爲吏人乞覓或所少止七百而限以十限每限自 產若干當爲保長若産錢倍多則須兩番爲保正如此則 用百錢與吏或欲作一 無爭又催稅之法頃見崇安趙宰使人俵由子分爲幾限 同看來只用倍法若産錢滿若干當為保正外叉計某餘 正又有計會欲爲保長者蓋有所獲於其中所在風俗 **恒難非通四方之風俗情偽如何了得 小滿千錢而趁限之錢則已踰半矣其擾不可言所以做** 百姓依限當廳來納甚無擾及過隆興見帥司令諸邑 子催稅而責以十限縣但委之吏手是時饑餓民甚 旦玉 とラスエ 項輸納東又以違限拒之或所少 Ĭ

送至縣縣驗其無他方令傳送出境铊任滿無一 張定叟知袁州託其畝問則其法已亡偶有 做得成范仲達名如璋太為袁州萬載令行得保伍極好 之法便是此法都是從這裏做起所謂分數是也兵書云 分一耳粤末、明一名十 因論保伍法或日此誠急務朱子日固是先王比閭保伍 大概 姦細更無所容每有疑以無行止人保伍不敢著互相傳 小亂王介甫銳意欲行保伍法以稽天下坐令之兵不曾 來言保伍法無及之者此人有心力行得極整肅雖有 眾有多寡分數是也看是統御幾人只是分數明所以 重 一縣吏略記 寇盗頃

買箇 諸鄕則只置彈壓之類而不復置隅官默寓箇大小相維 要蓋所以防衞縣郭以制變縣有官府獄訟倉庫之 至漢末合刺史掌兵遂侵郡守之權兼治民事而刺史之 义曰自秦置守尉監漢有刺史郡守如今監 意於其間又後面子弟 厲之乃可此等事難處須是理會教他整密無些錌縫 四 要他用非其他泛泛之比須是別有箇抜擢旌賞以 某保甲草中所說縣郭 面有箇防衛始得 コニス シラスチ // ////- 1 **箇隅官須各管得十來里方** 段須是著意理會這箇日 四門外置 一隅官四人此 ſ 司專主按察 屬須 最緊

至隋又置郡守後又廢守置愈少又其後也遂去郡而母和雅里後來或置或否有如 轉運專主 書省以分刺史之權蓋刺史之權獨專則又不便若其 史為之發奏刺史不肯發奏則許判官自經申御史臺 名日按察使令舉刺州縣官吏其下卻置判官數員以 某嘗說不用許多監 權貸序視通判而刺史視太守判官有事欲奏聞 轉運判官刑狱判官農田判官之類農田專主婚 具具 |財賦刑獄專主盗賊而 路百姓無出 司每路只置 置刺史 氣處故又須略重判官之權 **可刺**化 刺文添百 刺史總之稍 一人復刺史之職正其 刺東遊馬 民愈 汰 重諸判官 則 刺

諮判官下卻置數員屬官如職募官之類如此則重權 為齊襄公所殺其子莊公與齊桓公會盟春秋不譏自桓 無煩擾耗蠢之弊矣 至定公九世孔子相定公會齊侯於夾谷是九世不復讐 **原問復營之義禮記疏穀梁春秋許百世復營又某書庶** 許五世復讐又云國君許九世復讐又某人引魯桓公 者謂親親之恩欲至五世而斬也春秋許九世復 此說如何朱子曰謂復百世之舊者是飢說許五世復 太守自治 不談春秋美之之事皆是解春秋者亂說春秋 州事而刺史則舉刺 路豈不簡徑省事而 鑓

豈有此理日疏家胡說豈有此理又引伍子胥事說: 後 日盡是胡說子思之意蓋為或人問禮為舊君有服禮 戎首不亦善乎言當執之但勿爲**兵首從** 引君以無辜殺其父其子當報父之譬如此則是報 此胡問疏又引子思曰今之君子退人若將墜諸淵毋 子思因云人君退人無禮 之意又日事也多樣國君復讐之事又不同閒問疏中 日聖人何當有明文是子胥來今之為春秋者都是 世言春秋者 美他來聖 動引譏美為言不知他何從見聖 人作春秋不過直書其事美惡 人以殺 人譏 聖

解非言人臣不見禮於其君便可以如此也讀書不可窒 **莫可誰何而畿內土地亦皆為諸侯爭據天子雖欲分封** 塞須看他大意 又日陸宣公奏議極好看這人極會議論事事委曲說: 以為郡縣之事已萌於此矣至秦時是事勢窮極去不得 **亦是無討土地處此後王室子孫豈復有疆土分封某嘗 心不可得如封鄭桓公都是先用計指射鄫地罔而取之** 了必須如此做 好了何況更窐其為你服此乃自人君而言蓋甚之之 三四日 年五一天 周自東遷之後王室盆弱畿內疆土皆為世臣襲據 也 Ę 盡

为二里里才 1月 美十

路井竈周溷無不修繕市無醉 觀奏議中多云今日早面奉聖旨云云臣退而思之云云 說二稅之弊極佳人言陸宣公口說不出只是寫得出今 恐宣公不及武侯當面便說得如說孫權一 疑或然也問陸宣公比諸葛武侯如何日武侯氣象較大 及其細密處不知比宣公如何只是武侯也密如橋梁道 更無滲漏雖至小底事被他處置得亦無不盡如後面

段雖辨士不

問或言今日之告君者皆能言修德二字不知敎人君從 來嚴其氣象剛大嚴毅 以上沈僴錄 人更是密只是武侯密得

亨

所

好臺諫知他不好人自然住不得德明錄 何 只不 題 學 跨 隆 W 後十 是私即轉為天下之大公將 庚申朱子七十 天下之賢日只消用一箇好人作相自然推排出來有 處修起必有其要朱子曰安得如是說只看合下心不 司 禮刑用專家均鄉富戸逋四方風俗情偽明分數用監 爲 **衣布之事極平常極緊要極難安頓得妥學者當潛心** /非賢即別搜求正人用之問以一人耳目安能盡知 人判官數員好宰相好臺諫此等大綱目是食栗 歲 一切私底意思盡屏去所用 看

洞澄澹有異於前而莫際其極是則深父之果能為深而 字而得夫所以深之之道爲豈不又甚可嘉也哉自今以 **父更名以避前聖其意則已善矣而其所欲名者又卽其** 不負乎此名也夫庚申閏月 因稱有警而日有深乎其內使相與遊者以但見其淵 按朱子答周深父云大抵人要讀書須是先收拾身心 之所極其或未然則必濟之而後深此理之必然也深 **令稍安靜然後開卷方有所益若只如此馳騖紛擾則** 周深父更名序云水之深者淵涧澄澹人莫能測其源 方寸之間自與道理全不相近如何看得文字令亦不 コーシー 一一一 Ì ラ子」里里多名▼/光二 三月辛酉朱子攺大學誠意章 簡易平實次第可以絕筆是日敗誠意章午後疾甚不 按年譜云戊午歲嘗與廖德明帖云大學又修得 之後其亦可與言深之之道者乎 後道理疑眾在這裏深父所造不知何如序作於此書 理浹拾必遵此言著實用功使方寸之間淵洞澹澄然 矣閉門端坐收拾身心深之之始事也開卷有盆深之 言之不認也玩此書知朱子教深父深之之道有自來 必多言但且閉門端坐半月十日卻來觀書自當信 之戀事也若不收拾身心如何讀書若不讀書如何道 3 番

分三馬馬不服人名十 子朱子卒 應事直而已矣垂訓人當完全此直理也天以直理生 生之理本直也朱子臨沒以心與理一 實全此直理毫無元妙處孔子曰人之生也直原入始 生萬物直而已矣玩此知朱子聖學自始至終步步著 久之心與理一自然所發皆無私曲聖人應萬事天地 甚詳且言為學之要惟事事審求其是決去其非積累 能與先是已未夜為諸生說太極圖庚申夜復說西銘 、人以直理全天天人合一之學只此直理以全歸也 所發無私聖 夏

长子 邑墨号谷尽安卜 遺文一與黃幹令更加勉力且云吾道之託在此吾無 然道理亦止是如此但相倡率下堅苦丁 **憾矣及令收禮書底本踵而成之其書界行開具逐項** 方有進步處諸生退乃作三書一與子在令早歸收拾 按年譜云前夕癸亥精舍諸生入問疾曰誤諸君違來 儀禮乎亦搖首然則以儀禮書儀參用之乎乃領之就 之疾革矣萬一不諱當用書儀乎朱子搖首然則當用 甲子即命移寢中堂黎明諸生復入問疾因請曰先生 合修條目 枕誤觸巾目門人使正之揮婦人勿得近諸生揖而退 日且封一 卷往爲之式一與范念德託寫禮書 乭 一夫牢固著足

朱子聖學考略卷十終 グニ 正正式 一日 一名 門人敬子之旨的是孔門正脈視南安道中光明何恨 **耆不循此進步斷無是處故諄諄以此垂訓即曾子告** 是朱子一生定識定力至此純熟通明不用著力矣學 良久恬然而逝午初刻也玩堅苦工夫牢固著足八字 乙言何如也識者自辩之